


二十二史攷異


唐書十四卷
五十四之九
舊唐書一之三



			九	漢
		三	〇	書
	一	〇	三	門
二	〇	〇	〇	
冊	架	函	號	類

庫文閣內		
九	九	漢
八	三	書
函	〇	
一	〇	
架	三	
	號	類

內閣文庫	
番號	漢 9303
冊數	20 (12)
函號	298 2



此書... 卷之... 第一... 第二... 第三... 第四... 第五... 第六... 第七... 第八... 第九... 第十... 第十一... 第十二... 第十三... 第十四... 第十五... 第十六... 第十七... 第十八... 第十九... 第二十... 第二十一... 第二十二... 第二十三... 第二十四... 第二十五... 第二十六... 第二十七... 第二十八... 第二十九... 第三十... 第三十一... 第三十二... 第三十三... 第三十四... 第三十五... 第三十六... 第三十七... 第三十八... 第三十九... 第四十... 第四十一... 第四十二... 第四十三... 第四十四... 第四十五... 第四十六... 第四十七... 第四十八... 第四十九... 第五十... 第五十一... 第五十二... 第五十三... 第五十四... 第五十五... 第五十六... 第五十七... 第五十八... 第五十九... 第六十... 第六十一... 第六十二... 第六十三... 第六十四... 第六十五... 第六十六... 第六十七... 第六十八... 第六十九... 第七十... 第七十一... 第七十二... 第七十三... 第七十四... 第七十五... 第七十六... 第七十七... 第七十八... 第七十九... 第八十... 第八十一... 第八十二... 第八十三... 第八十四... 第八十五... 第八十六... 第八十七... 第八十八... 第八十九... 第九十... 第九十一... 第九十二... 第九十三... 第九十四... 第九十五... 第九十六... 第九十七... 第九十八... 第九十九... 第一百...

卷之...

唐書十四

淺草文庫

廿二史攷異五十四

錢大昕學

李泌傳

桀曰我生不有命在天 此紂語非桀語

泌建言學士加大始中宗時及張說為之固辭乃以學

士知院事至崔圓復為大學士亦引泌為讓而止


王伯厚曰崔圓相肅宗在泌前會要貞元四年五月

泌奏張說懇辭大字衆稱達禮至德二年崔圓為相

加集賢大學士因循成例望削去大字此乃泌引圓

為辭傳誤矣 見困學紀聞 予按百官志修文館景龍二年

唐書十四



攷異

置大學士四人

修文館即
宏文館

即泌所謂學士加大始中

宗時也志又云集賢院至德二年置大學士貞元四

年罷大學士又有崇元學天寶二載改曰崇賢館置

大學士二人以宰相為之貞元四年崇元館

即崇
賢館罷

大學士志所云至德二年正崔圓為相之日集賢有

大學士自圓始而宰相之領大學士不始於此蓋自

天寶初立崇賢館已有之矣夏湏而上之則景龍初

修文館大學士李嶠宗楚客趙彥昭韋嗣立四人亦

皆宰相也但睿宗以後大學士久已不除開元時張

說以宰相領集賢院事不敢居大學士之名而六典

亦無此職其後李林甫陳希烈輩但兼崇元館大學

士而集賢仍無大名至崔圓始為之德宗貞元四年

因李泌之請并集賢崇元皆去大字狀攷之新舊二

史如楊綰常袞裴度牛僧孺崔鉉韋昭度孔緯杜讓

能徐彥若崔垂休獨孤損裴樞柳璨皆加宏文館大

學士李勉劉從一裴均賈餗崔郾李德裕馬植鄭朗

崔慎山蕭鄴杜讓能張濬崔垂休崔遠裴贄楊涉皆

加集賢殿大學士綰袞勉從一在泌入相以前其餘

諸人皆在泌後則是貞元罷大學士之後未久而復

置也攷權德輿於元和二年作昭文館大學士壁記

云太宗文皇帝始于宏文殿側創宏文館盛選重名
虞世南褚亮而下爲之學士夏直密侍于其中其後
徙于門下省景龍初始置大學士名命益重多以宰
司處之每二府爰立則統于黃樞而或署或否不爲
恆制孝文後元二十年前斯職闕焉前年秋八月今
河中司空公居之今年夏五月相國蕭公居之記所
稱司空公者杜黃裳也蕭公謂武元衡也德宗諡曰
孝文記云闕職二十年者卽謂貞元以後學士削去
大字也以是推之大學士復置必在元和之初矣大
學士爲宰相加官其罷而復置宜見於百官志而史

家不能攷而著之疎畧甚矣宋初避諱改宏文爲昭
文此德輿壁記亦稱昭文蓋宋時校書者追改

苗晉卿傳

諷有司改諡文貞 唐會要太常諡爲懿獻及敕出改

諡文懿

裴冕傳

有詔贈太尉 唐會要諡曰獻穆

裴向傳

贈太子少保 唐會要諡曰穆

崔光遠傳

改

唐書十四

三

代蕭華爲魏州節度使 按方鎮表是時無魏州節度
舊史肅宗紀但云魏州刺史非節度也 唐會要贈
揚州大都督諡曰威

李麟傳

父濬贈戶部尚書諡曰誠 誠當作成唐會要有贈戶
部尚書真源縣子李璿諡曰成卽此人也濬璿字形
相似

楊綰傳

父溫玉在武后時爲顯官 唐會要溫玉官岐王傅恆
農縣公諡曰忠

崔植傳

終華州刺史 唐會要諡曰敬

李承傳

幼孤其兄睦養之 宰相世系表承在睦之前似承兄
而睦弟當是表誤

韋倫傳

父光乘在開元天寶間爲朔方節度使 唐會要光乘
贈太子少傅諡曰烈

來瑱傳

明年 上文有乾元二年則 徙瑱山南東道襄郿均房金
是年乃上元元年

商隨郢復十州節度使 按方鎮表至德二載升襄陽防禦使為山南東道節度使領襄鄧隋唐安均房金商九州治襄州此傳有郢復而無唐安與表互異又傳稱十州節度今數之止有九州則史文當有脫誤攷下文呂諲王仲昇等言瑱得士心不可以留乃改山南東道襄鄧唐復隋郢六州節度通鑑亦云割商金均房別置觀察使令瑱止領六州以是推之似唐州元在瑱所管十州之內傳偶脫唐字耳

嚴礪傳

贈司空

唐會要諡曰威

李栖筠傳

李峴為大夫以三司按羣臣陷賊者 按呂諲傳亦稱御史大夫李峴刑法志亦同而峴傳不云為御史大夫蓋脫漏也

李吉甫傳

德宗以來姑息藩鎮有終身不易地者吉甫為相歲餘凡易三十六鎮殿最分明 按吉甫以元和二年正月拜相明年九月出鎮其時魏博則田季安恆冀則王士真盧龍則劉濟淄青則李師道淮西則吳少誠滄景則程權易定則張茂昭汴宋則韓宏澤潞則盧

從史陳許則劉昌裔河東則嚴綬鳳翔隴右則李鄘
東川則嚴礪俱未徙節所更代者不過河中邠寧西
川諸近鎮而已恐未必有三十六鎮之多傳文不足
深信

有司諡曰敬憲度支郎中張仲方非之帝怒貶仲方更

賜諡曰忠懿 唐會要吉甫諡恭懿張仲方傳吉甫

卒太常諡恭懿博士尉遲汾請諡敬憲俱不云忠懿

王思禮傳

諡曰武烈 唐會要思禮諡兩見一云武一云武烈蓋

傳聞異詞

曲環傳

贈司空 唐會要贈司徒諡武烈

張孝忠傳

寶臣晚節稍忌刻殺大將李獻誠等 舊史同 按藩鎮傳

敘李寶臣殺骨鯁將辛忠義盧倣許崇俊張南容張

彭老等二十餘人不及獻誠其下敘惟岳事又載牙

將衛常寧與獻誠語則獻誠實未死也此傳誤

李吳傳

贈尚書右僕射 唐會要諡曰肅

常袞傳

拜門下侍郎同中書門下平章事宏文崇文館大學士
按百官志崇文館隸東宮乾元初以宰相爲學士
總館事不云何年置大學士亦脫漏也

袞爲相散官纔朝議而無封爵郭子儀言於帝遂加銀
青光祿大夫封河內郡公 百官志朝議大夫從五
品下銀青光祿大夫正四品上

齊映傳

贈禮部尚書諡曰忠 唐會要諡恭懿

姜公輔傳

乃擢公輔諫議大夫同中書門下平章事 按諫議大

夫是時纔正五品耳諫議給事皆門下省官故得以
本官入相其後罷爲太子左庶子左右庶子却是正
四品官雖罷相猶爲序遷也

顏真卿傳

祕書監師古五世從孫 按真卿爲其父惟貞撰廟碑
敘世系最悉真卿父惟貞祖昭甫曾祖勤禮勤禮與
師古竝思魯之子則真卿乃師古之從曾孫也

楊朝晟傳

十七年卒于屯 唐會要贈尚書右僕射諡曰毅

張建封傳

冊贈司徒 唐會要諡曰襄

韓宏傳

滑州匡城人 按韓愈撰神道碑以為陳之太康人

盧坦傳

贈禮部尚書 唐會要諡曰貞

閻濟美傳

諡曰溫 唐會要濟美官太子少傅諡曰良

劉伯芻傳

贈工部尚書 唐會要諡曰敬

潘孟陽傳

父炎大歷末官右庶子進禮部侍郎 唐會要贈右僕

射諡曰文

崔龜從傳

遷太常博士言九宮皆列星不容為大祠詔可其議九

宮遂為中祠 按舊書禮儀志及舒元輿傳大和二

年元輿為監察御史奏言九宮之神於天地猶子男

陛下為天子反臣于天之子男臣竊以為過合稱皇

帝遣某官致祭不宜稱臣與名詔都省議皆如元輿

言乃降為中祠朕則九宮之議實起于元輿其時龜

從為太常博士或在都省預議之列故舊書本傳亦

及之狀不應舍元輿而專歸功于龜從也

韋夏卿傳

贈尚書左僕射諡曰獻 唐會要諡曰簡

李遜傳

諡曰貞 唐會要李遜諡凡兩見一云貞一云恭肅蓋

傳聞異詞

遜弟建贈工部尚書 唐會要諡曰元

孔幾傳

幾子遵孺遵孺子緯 宰相世系表作温孺

穆贊傳

贈工部尚書 唐會要諡曰敬

崔邠傳

諡曰文簡 唐會要諡曰宣簡

柳玘傳

昭國里崔山南瑄子孫之盛仕族罕比山南曾祖母長

孫夫人年高無齒祖母唐夫人事姑孝每旦櫛縱笄

拜階下升堂乳姑長孫不粒食者數年一日病言無

以報吾婦冀子孫皆得如婦孝 此事亦見崔珙傳

瑄珙之兄也

王彥威傳

攷異

唐書十四

九

諡曰靖 唐會要諡曰憲

鄭裔綽傳

遷給事中楊漢公為荆南節度使坐貪吝貶祕書監尋拜同州刺史裔綽與鄭公興封還制書帝自即位諫臣規正無不納至是有為漢公地者遂終不易會賜宴禁中天子擊毬至門下官謂二人曰近論漢公事類朋黨者裔綽曰同州太宗興王地陛下為人子孫當慎所付且漢公墨沒敗官奈何以重地私之帝變色翌日貶商州刺史 按裔綽官給事中止正五品出補商州刺史乃從三品 唐制上州刺史從三品中下州刺史正四品商為望

州當准 上品外除乃謂之貶漢公官祕書監本從三

品轉國子祭酒亦從三品自祭酒除同州刺史仍從

三品同品而補外乃謂之擢 漢公傳稍遷國子祭酒宣宗擢為同州刺史

蓋同華兩州京師近輔刺史體制與節度觀察畧同

同州刺史兼本州防禦使華州刺史兼潼關防禦鎮國軍使 舊書憲宗紀元和元

年御史中丞武元衡奏中書門下御史臺五品已上

官尚書省四品已上諸司正三已上從三品職事官

東都留守轉運鹽鐵節度觀察使團練防禦招討經

畧等使河南尹同華州刺史諸衛諸軍三品已上官

除授皆入閣謝其餘官許於宣政南班拜訖便退此

其證也中葉以後士大夫尤以方面爲重視寺監爲散地故漢公之刺同州當時以爲美除給事中者門下五品官又主封駁職清而地近較之外州刺史之疏遠大不侔矣故齋綽以給事出典商州雖非邊方猶爲貶也同州朝邑縣有長春宮刺史例兼長春宮使太宗爲秦王時嘗鎮長春宮故云太宗興王地也此事又見漢公傳首尾百數十言複沓亦已甚矣時猶衣綠因詔賜緋魚唐制五品已上衣緋三品已上衣紫齋綽官五品已久而猶衣綠者唐時臣僚章服不依職事官之崇卑惟論散官之品秩雖以宰相

之尊而散官未及三品猶以賜紫金魚袋結銜試以舊史宣宗紀證之如正議大夫守中書侍郎同平章事集賢殿大學士賜紫金魚袋馬植太中大夫守中書侍郎兼禮部尚書同平章事賜紫金魚袋崔慎由通議大夫守中書侍郎兼禮部尚書同平章事集賢殿大學士賜紫金魚袋鄭昉朝散大夫守工部尚書同平章事集賢殿大學士賜紫金魚袋蕭鄴朝議大夫守戶部侍郎同平章事判度支賜紫金魚袋劉瑑皆見在宰相中書侍郎六部尚書又皆三品職事官也又如正議大夫守御史大夫賜紫金魚袋崔鉉朝

散大夫守京兆尹賜紫金魚袋韋澳皆見任三品職
事官昭義節度使檢校禮部尚書兼潞州大都督府
長史御史大夫賜紫金魚袋鄭涓邠寧慶節度使檢
校禮部尚書邠州刺史賜紫金魚袋畢誠夏綏銀宥
節度使通議大夫檢校左散騎常侍夏州刺史御史
大夫賜紫金魚袋鄭助邠寧節度使朝議大夫檢校
工部尚書邠州刺史賜紫金魚袋柳憲朔方節度使
朝散大夫檢校左散騎常侍靈州大都督府長史賜
紫金魚袋劉潼山南西道節度使中散大夫檢校禮
部尚書興元尹賜紫金魚袋蔣係朝議大夫檢校禮

部尚書兼太原尹北都留守賜紫金魚袋劉瑑皆見
任方鎮檢校官竝至三品而散官未到金紫銀青則
非賜不得衣紫也又如翰林學士朝議郎守尚書司
勳郎中知制誥賜緋魚袋孔溫裕朝議郎守中書舍
人權知禮部貢舉賜緋魚袋李藩皆五品職事官之
清要者而散官未到大夫則非賜不得衣緋也牛叢
以司勳員外郎爲睦州刺史賜金紫謝曰臣今衣刺
史所假緋卽賜紫爲越等乃賜銀緋叢與裔綽皆嘗
任五品職事官而散官未到五品故須銀緋之賜

賈耽傳

攷異

唐書十四

三

滄州南皮人 按地理志南皮隸景州景州本滄州所
分耽仕於德順二宗之世南皮猶隸滄州也鄭餘慶
撰神道碑云清池人

杜棕傳

權德輿爲相其壻翰林學士獨孤郁以嫌自白憲宗見
郁文雅歎曰德輿有壻乃爾 此事又見郁傳當刪
此存彼

始宣宗世夔王以下五王處大明宮內院而鄆王居十
六宅帝大漸樞密使王歸長馬公儒等以遺詔立夔
王而左軍中尉王宗實等入殿中以爲歸長等矯詔

乃迎鄆王立之是爲懿宗 此事已見懿宗紀毋庸
夏入此傳若云初懿宗之立非宣宗意及卽位久之
遣樞密使云云則文省而意益明矣

久之遣樞密使楊慶詣中書獨揖棕宅宰相畢誠杜審
權蔣伸不敢進乃授棕中人請帝監國奏因諭棕劾
大臣名不在者抵罪棕遽封授使者復命謂慶曰上
踐祚未久君等秉權以愛憎殺大臣公等禍無日矣
慶色沮去帝怒亦釋大臣遂安 按懿宗紀及宰相
表棕以咸通二年二月由尚書左僕射判度支再入
相距懿宗踐祚之始已兩年矣使帝銜怒諸大臣欲

攷異

唐書十四

三

置之死地當不俟此時傳所云未可深信也

令狐綯傳

監軍郝厚本 杜棕傳云戎將郭厚本

子瀉渙渢 宰相世系表以渢為定之孫誤

裴延齡傳

死年六十九人語以相安唯帝悼不已冊贈太子太傅

上柱國

按舊書延齡傳延齡死中外相賀唯德宗

悼惜不已新史改云人語以相安詞意殊難解矣舊

史云贈太子少保此云太子太傅未知孰是上柱國

勳視正二品然唐時勳級最濫庶僚軍校授上柱國

者甚多杜佑云魏置柱國當時貴寵第一國家以為勳級纔得地三十頃耳延齡贈上柱國未為異數它傳亦未有載勳官者此所謂不必書而書也

韋渠牟傳

贈刑部尚書諡曰忠 唐會要諡曰隱

李齊運傳

蔣王暉孫 按宰相世系表乃暉之曾孫

劉禹錫傳

宰相裴度兼集賢殿大學士 按度本傳進宏文館大學士在平蔡之後此兼集賢殿大學士當在文宗大

和初本傳不載者畧之也

叔文北海人自言猛之後按叔文傳云越州山陰人此云北海者舉其族望也

柳宗元傳

從曾祖奭為中書令得罪武后死高宗時按列傳第三十七卷柳澤傳末已附由奭事此復承宗元墓志之文書之吳縝所謂宜削而反存也

唐書十五

廿二史攷異五十五 錢大昕學

裴均傳

建言集賢院官登朝自五品上為學士下為直學士餘皆校理史館以登朝者為修撰否者直史館以準六典遂著于令今攷元和以後入史館及集賢宏文兩院者如韓愈以比部郎中史館修撰蔣伸以右補闕史館修撰蔣偕以右拾遺史館修撰鄭澣以國子博士史館修撰王溥以禮部員外郎史館修撰令狐滈以右拾遺史館修撰王龜以祠部郎中史館修撰

唐書十五

韋澳以考功員外郎史館修撰牛蔚以吏部郎中史館修撰楊漢公以戶部郎中史館修撰李翱以國子博士史館修撰楊虞卿以禮部員外郎史館修撰高鉞以右補闕史館修撰盧知猷以工部侍郎史館修撰陳夷行以起居郎史館修撰裴坦以左拾遺史館修撰獨孤郁以右拾遺兼史館修撰遷考功員外郎仍兼史館修撰路隋以左補闕史館修撰薛廷玉以右拾遺史館修撰杜顛以咸陽尉直史館沈傳師以鄆尉直史館轉左拾遺補闕史館修撰蔣係以昭應尉直史館拜左拾遺史館修撰此修撰與直館之別

也李益以祕書少監為集賢殿學士馮宿以左散騎常侍兼集賢殿學士孔敏行以司勳郎中為集賢殿學士牛僧孺以考功員外郎為集賢學士王鐸以右補闕為集賢殿直學士王起以殿中侍御史兼集賢殿直學士周墀以監察御史為集賢殿學士疑脫直字孔緯以禮部員外郎兼集賢直學士白居易以整屋尉為集賢校理段文昌以登封尉為集賢校理杜讓能以長安尉為集賢校理李福以藍田尉為集賢校理令狐澆以長安尉為集賢校理石洪以昭應尉為集賢校理楊收以渭南尉為集賢校理馮定以鄆尉為

集賢校理丁公著以太子文學兼集賢校理擢右補
闕遷直學士此學士直學士與校理之別也王彥威
以司封郎中爲宏文館學士柳公權以右司郎中爲
宏文館學士楊虞卿以右司郎中爲宏文館學士令
狐定以駕部郎中爲宏文館直學士直字疑衍鄭裔綽以
渭南尉直宏文館薛逢以萬年尉直宏文館裴樞以
藍田尉直宏文館柳珪以藍田尉直宏文館孔緯以
長安尉直宏文館此學士與直館之別也至如于休
烈以起居郎爲集賢殿學士歸崇敬以贊善大夫史
館修撰兼集賢校理張薦以史館修撰兼陽翟尉乃

在未定制以前故不盡依資品矣楊嗣復官右拾遺
當充史館修撰而傳云直史館疑修史者不通官制
以意改竄故耳唐時稱登朝官者史未有明文攷百
官志文官五品以上及兩省供奉官監察御史員外
郎太常博士日參号常參官其餘職事九品以上官
但朝朔望而已常參官卽裴均所謂登朝官也宋制
侍從卿監正郎員外郎而下以正言卽唐之拾遺太常博
士國子博士太常丞祕書丞殿中丞太子中允贊善
大夫中舍洗馬爲升朝官著作佐郎大理光祿衛尉
將作丞大理評事太常寺太祝奉禮郎祕書省校書

郎正字將作監主簿為京官畧與唐制同

高固傳

贈陝州大都督 唐會要諡曰恭

李光進傳

元和四年王承宗范希朝引師救易定 按是歲王承

宗反以騎二萬逾木刀溝河東節度使范希朝與易

定節度張茂昭合兵擊敗之此承宗下當有脫文

石洪傳

石洪者字濬川 按洪官止縣尉無卓絕之行於烏重

裔傳一見其姓名足矣乃復據韓退之所撰墓志別

為附傳首尾百一十四言諛墓之文史家豈能悉書

乎

李逢吉傳

父顏有錮疾逢吉自料醫劑遂通方書 按宰相世系

表逢吉父名歸期顏則逢吉之大父也

裴度與元稹知政度嘗條稹愆佞逢吉以為其隙易乘

遂并中之遣人上變言和王傅于方結客欲為稹刺

度帝命尚書左僕射韓臯給事中鄭覃與逢吉參鞫

方無狀稹度坐是皆罷 此事又見元微之于頤傳

方為和王傅當見於頤傳而翻不書此史之疏也頤

傳云事下有司驗無狀方坐誅竊意方刺度事既無
狀何至遽罹重法且元李兩傳俱不云方坐誅死疑
方特坐罪非坐誅也

牛僧孺傳

敬宗立僧孺數表去位帝爲於鄂州置武昌軍授武昌
節度使同平章事按宰相表僧孺罷相出鎮武昌
在寶歷元年正月今以方鎮表攷之憲宗元和元年
升鄂岳觀察使爲武昌軍節度使五年罷武昌軍節
度置鄂岳都團練觀察使中夏穆宗敬宗文宗武宗
四朝俱無改易直至宣宗大中元年始有復置武昌

軍之文蓋方鎮表失載敬宗初復置一事矣僧孺鎮
武昌凡五年復入相而杜元穎元微之相繼爲武昌
軍節度使微之卒而崔郾爲鄂岳安黃觀察使不稱
節度是武昌節鎮之罷在大和五年也

諡日文簡

唐會要諡文貞

李宗閔傳

時翮爲華州刺史父子同拜世以爲寵上文不云父
翮則父子同拜之語無根

宗閔弟宗冉

按宰相世系表宗冉乃宗閔之兄

楊嗣復傳

後

唐書十五

五

武宗之立非宰相意中人多言嗣復珽不利于陛下帝
剛急卽詔中使分道誅嗣復等德裕與崔鄆崔珙等
請延英言故事大臣非惡狀明白未有誅死者昔太
宗元宗德宗三帝皆嘗用重刑後無不悔願徐思其
宜使天下知盛德有所容不欲人以爲冤 此語已
見李德裕傳此但當云德裕等詣延英極諫不必更
舉其詞也

竇羣傳

京兆金城人 舊史云扶風平陵人

張又新傳

又新與拾遺李續劉栖楚等爲逢吉搏吹所憎故有八
關十六子之目 此事又見李逢吉傳宜存彼去此
且又新以諂附見譏其事迹散見於李逢吉李紳諸
篇其歷官本末自可附於父薦傳何必別立傳乎

楊虞卿傳

子知退知權壇堪漢公皆擢進士第漢公最顯 按此
文似漢公亦虞卿子而上文云虞卿兄弟漢公汝士
爲人所奔向宰相世系表亦以汝士爲虞卿兄漢公
爲虞卿弟則此文皆字於義未安

錢徽傳

贈尚書右僕射 唐會要諡曰貞

高錯傳

卽以錯爲禮部侍郎閱三歲頗得才實始歲取四十人
才益少詔減十人 洪邁容齋續筆云按登科記開
成元年中書門下奏進士元額二十五人請加至四
十人奉敕依奏是年及二年三年錯在禮部每舉所
放各四十人至四年始令每年放三十人爲定則唐
書所云誤矣大昕按舊史本傳本云錯掌貢舉三年
每歲登第者四十人及三年榜出之後乃有敕改每
年限放三十人非謂錯所放減十人也新史刪改文

意不明致來容齋之訕

盧簡辭傳

兄簡能見鄭注傳 按鄭注傳末附載錢可復盧簡能
蕭傑盧宏茂魏宏節李敬彝諸人錢徽傳稱子可復
死鄭注時不云見注傳義例已不一蕭傑俛之弟則
俛傳并不一見其名

高元裕傳

子璟以左拾遺爲翰林學士擢諫議大夫近世學士超
省郎進官者惟鄭顥以尚主而璟以寵升云 顥傳
不云爲學士史之畧也拾遺官從八品上諫議大夫

攷異

唐書十五

七

則正四品下計超七階

敬晦傳

祖括拜御史大夫大歷中卒唐會要括贈太子太傅

諡曰獻

陳夷行傳

帝嘗怪天寶政事不善問姚元崇宋璟於時在否李珣

曰姚亡而宋罷按宋璟以開元二十五年卒不逮

天寶時珣所對未審

前日鄭餘慶著僕射上儀謂隔品官無亢禮時寶易直

任御史中丞議不可及易直自為僕射乃忘前議當

時鄙厭之此事又見易直傳

李讓夷傳

辟鎮國李絳府判官李絳時為華州刺史華州嘗置

鎮國軍故辟讓夷為判官也劉瑑傳鎮國陳夷行表

為判官夷行亦華州刺史也

李珣傳

貶江西觀察使按舊史及通鑑珣貶桂管觀察使非

江西觀察

宣宗立內徙郴舒二州刺史按風洞題名會昌五年

五月珣已稱郴州刺史則珣之徙郴在宣宗即位以

前柳亦邊州未可云內徙當是宣宗初由柳徙舒耳

劉瑑傳

遷刑部侍郎乃稟彙敕令可用者由武德訖大中凡二千八百六十五事類而析之參訂重輕號大中刑律總類以聞 按刑法志宣宗時左衛率府倉曹參軍張幾以刑律分類為門而附以格敕為大中刑律統類詔刑部頒行之不云瑑所撰又攷甄文志大中刑法總要格後敕六十卷刑部侍郎劉瑑等纂與張幾所撰大中刑律總類十二卷各為一書疑瑑傳誤

盧光啓傳

初光啓執政韋貽範蘇檢相繼為宰相帝還京師檢長

流環州光啓賜死 按照宗紀天復三年正月至自

鳳翔二月朱全忠殺蘇檢吏部侍郎盧光啓 宰相表亦稱檢

為全忠所害 傳不書檢之死亦闕漏也

馬植傳

因著令三館學士不避行臺自植始 三館者集賢殿

宏文館史館也王明清揮塵前錄云唐文皇聚一時

名流于冊府始有十八學士之號後來凡居館殿者

皆稱之吳曾能改齋漫錄云唐集賢院記開元故事

校書官許稱學士故筆談云今三館職事皆稱學士

用開元故事也楊收以集賢校理而稱學士蓋以此
路巖傳

韋保衡弟保又自兵部侍郎貶賓州司戶參軍按唐
承旨學士壁記咸通十二年二月韋保又自戶部員
外郎守木官充翰林學士五月加戶部郎中依前充
十四年十月貶賓州司戶是保又未嘗爲兵部侍郎
且唐季以翰苑爲要地傳不書學士亦失之

盧攜傳

累進戶部侍郎翰林學士承旨乾符五年進同中書門
下平章事俄拜中書侍郎刑部尚書按宰相表攜

以乾符元年十月拜相

舊僖宗紀
在五月

十一月爲中書侍

郎二年六月兼工部尚書四年正月兼刑部尚書傳
系之五年誤也舊史本傳謂乾符初以諫議大夫召
充翰林學士拜中書舍人乾符末加戶部侍郎學士
承旨四年以本官平章事其書入相差一年且乾符
紀元終於六年旣書乾符末矣而其下乃書四年其
踏謬較之新傳尤甚也

與畋爭相恨詈由是罷爲太子賓客按僖宗紀及宰
相表鄭畋與攜之罷在五年十月則前稱乾符五年
者殆誤以罷相之年爲入相之年矣鄭畋傳以兩相

攷異

唐書十五

俱罷系於乾符六年又與紀表互異

王徽傳

昭義高潯與賊戰石橋敗績其將劉廣擅還據潞州別

將孟方立殺廣因取邢洛磁三州貳於已昭義所隸

唯澤一州 按僖宗紀中和元年八月昭義軍節度

使高潯及黃巢戰于石橋敗績十將成麟殺潯入於

潞州九月昭義軍戍將孟方立殺成麟自稱留後孟

方立傳昭義節度使高郢與潯同擊黃巢戰石橋不勝

保華州為裨將成鄰與麟同所殺還據潞州眾怒方立

率兵攻鄰斬之自稱留後獨此傳云方立殺劉廣疑

誤也以通鑑證之昭義大將劉廣逐節度使高湜自

為留後在乾符二年昭義十將成麟殺高潯還據潞

州在中和二年前後本是兩事

譜言其先本魏諸公子秦滅魏至漢徙關中霸陵以其

故王家為王氏十世祖巖仕周為同州刺史 此文

與宰相世系表畧同當刪此存彼

周寶傳

祖光濟事平盧節度希逸 希逸上脫侯字

餘杭鎮使陳晟 僖宗紀作清平鎮使

不淹月而駢為畢師鐸所囚 按僖宗紀光啓三年九

改異

唐書十五

七

月秦彥殺高駢十月錢鏐殺周寶是高駢死在周寶之前此傳謂寶死未淹月而駢為畢師鐸所囚與紀自相矛盾

劉巨容傳

諸將欲乘勝追斬巢巨容止曰朝家多負人有危難不愛惜官賞事平即忘之不如留賊為富貴作地諸將謂朕故巢復熾此語又見黃巢傳

楊守亮傳

守信興平軍節度使興平節度即方鎮表所謂金商節度也舊本紀云守宗此云守信名畧異

初朱玫取興鳳州虢州刺史滿存以兵赴行在復收二州昭宗紀光啓二年九月靜難軍將王行瑜陷興鳳二州十月神策行營先鋒使滿存克興鳳二州行瑜朱玫部將也紀傳書滿存官銜各異蓋一人兼此兩職

王重榮傳

與兄重盈俱以毅武冠軍僖宗紀光啓三年護國軍將常行儒殺其節度使王重榮其兄重盈自稱留後

舊紀同

惟五代史王琪傳以重盈為重榮之弟

克用遺子存貞請天子還官存貞當作存勛

李罕之傳

抵鉢褫祇袂去 廣韻祇袂尼法衣也

王敬武傳

師範遣部將盧宏攻之 五代史劉鄩傳作盧洪蓋宋人避諱改之

孟方立傳

以遷爲汾州刺史 光化二年克用復表遷爲昭義節度使天復元年朱全忠遣氏叔琮攻河東遷以潞州迎降且爲鄉道師還全忠以丁會代遷入朝爲全忠所殺此皆宜見於本傳者

楊行密傳

詔朱瑾爲平盧節度使繇海道取青齊馮宏鐸爲感化節度使出漣水攻徐宿 此行密承制遙授不惟不能有其地亦竝未出師故瑾宏鐸傳俱不載

朱宣傳

宣亡命青州爲王敬武牙軍黃巢之亂敬武遣將曹存實率兵西入關而宣爲軍候道鄆州是時節度使薛崇拒王仙芝戰死其將崔君裕攝州事存實揣知兵寡襲殺之據其地自稱留後宣以功署濮州刺史按僖宗紀中和二年九月平盧軍將王敬武逐其節

度使安師儒自稱留後是歲歲在壬寅敬武始得青州而王仙芝之伏誅在乾符五年戊戌先壬寅四年則敬

武尚為偏裨不得有遣將之事五代史宣傳云宣事

青州節度使王敬武為軍校隸其將曹全晟中和二

年敬武遣全晟入關與破黃巢還過鄆州鄆州節度

使薛宗卒其將崔君預自稱留後全晟攻殺君預遂

據鄆州宣以戰功為鄆州馬步軍都指揮使與此傳

畧同薛宗即薛崇君預即君裕音相似惟此云曹存實而彼云全晟

姓同名異據僖宗紀乾符六年淄州刺史曹全晟晟

同音克鄆州中和三年天平軍將曹存實克鄆州則全

晟與存實自是兩人通鑑中和元年十月天平軍節

度使南面招討使曹全晟與賊戰死軍中立其兄子

存實為留後二年五月以天平留後曹存實為節度

使則存實為全晟兄子此言當可信也朱宣本平盧

軍校其從征黃巢適隸曹全晟麾下因留鄆州全晟

死復事存實與王敬武初無預而史家以全晟為敬

武所遣蓋失之矣紀又稱乾符四年黃巢陷鄆沂二

州天平軍節度使薛崇死之五年天平軍節度使張

勣卒牙將崔君裕自知州事六年淄州刺史曹全晟

克鄆州殺崔君裕是薛崇之後尚有張勣一人君裕

所代者乃張勣非薛崇而殺君裕而代之者亦全晟
非存實與傳所書益相矛盾攷舊史僖宗紀乾符二
年七月以京兆尹張勣檢校戶部尚書充天平軍節
度使四年冤句賊黃巢攻鄆州陷之逐節度使薛崇
張勣傳則云乾符三年出爲華州刺史其冬檢校吏
部尚書鄆州刺史天平軍節度觀察等使四年卒於
鎮紀傳書勣出鎮之年雖互異要之勣鎮天平必在
薛崇之前明矣新紀書張勣於薛崇後蓋不足信而
君裕實爲全晟所殺則紀是而傳非也紀於中和二
年十月書韓簡寇鄆州天平軍節度使曹全晟死之

部將崔用自稱留後三年書天平軍將曹存實克鄆
州四年書濮州刺史朱宣逐天平軍節度曹存實自
稱留後此三條尤爲踈謬蓋中和二年與韓簡戰而
死者存實非全晟也全晟死於賊不死於韓簡全晟
死而兄子存實代之初無崔用其人者與之爭立也
及存實爲韓簡所殺而朱宣守鄆州簡攻之不下朝
廷乃以旌節授之又安得有逐存實之事乎如紀所
書自乾符四年至中和四年此八年中天平節度有
薛崇張勣崔君裕曹全晟崔用曹存實朱宣凡七人
據宣傳則惟崇君裕存實及宣四人吳氏糾謬雖譏

其失亦疑而未決予以新舊史紀傳五代史通鑑參互攷之乃知張勣鎮鄆在薛崇之前崔君裕與崔用本一人而紀誤分爲二全晟與存實本二人而傳誤溷爲一其實自乾符四年以後鄆帥祇薛崇崔君裕曹全晟曹存實併宣爲五人也唐末諸帝無實錄史家得於傳聞言人人殊無從質其然否聊述愚管以俟後賢論定之

趙犇傳

中和五年擢彰義軍節度使 按中和五年卽光啓元年也以三月改元犇除節度蓋在三月以前矣唐時

有兩彰義軍蔡州之彰義其時已改名奉國軍涇州之彰義則其時尚未置也此傳所云彰義軍方鎮表無之推檢其故蓋因秦宗權據蔡州以叛故改奉國軍復爲彰義軍以犇遙領節度也

龍紀初進同中書門下平章事忠武軍節度仍治陳州是時秦宗權伏誅蔡州復爲奉國軍以郭璠知留後事因移忠武軍額於陳州除犇爲節度方鎮表當於是年書忠武節度徙治陳州而今本無之蓋傳寫漏落也趙氏兄弟父子相繼爲節度幾二十年至天復元年乃以韓建代之建本許州人由是忠武軍又

移於許矣

劉建鋒傳

又攻容管執寧遠節度使龐巨曦 按五代史南漢世

家劉龔與馬殷爭容桂殷取桂管虜劉士政龔取容

管逐龐巨昭則殷未能得容管亦無執巨昭事也巨

昭與巨曦疑卽一人

杜洪傳

爲里俳兒 俳兒卽伶人也五代史鍾傳傳云江夏伶

人杜洪

僖宗卽拜本軍節度使 昭宗時累加檢校太師中書

令見舊本紀此傳失書

鍾傳傳

使弟存昌據信州 僖宗紀作仔昌存卽仔之譌昌倡

音相同也

王潮傳

建汀二州皆舉籍聽命 昭宗紀建州刺史徐歸範汀

州刺史鍾全慕叛附於王潮

劉知謙傳

兼賀水鎮使 五代史世家云賀江鎮遏使

天祐初始詔隱權節度留後乃遣使者入朝重賂朱全

忠以自固是歲盧光稠死子延昌自稱刺史為其下

所殺更推李圖五代史作李彥圖總州事按五代史南漢

世家徐彥若卒軍中推隱為留後據昭宗紀在天祐

二年拜隱節度使此傳云天祐初詔權節度留後者

誤也昭宗紀天祐元年虔州刺史盧光稠卒衙將李

圖自稱知州事與此傳云天祐初者相合狀却非劉

隱權留後之歲亦為矛盾又攷五代史盧光稠傳其

卒在梁開平五年譚全播立其子延昌事之延昌見

殺其將黎求自立求死而李彥圖始立則唐史紀傳

所書皆不足據矣二史皆出於歐陽永叔而自相刺

謬如此

有詔與為一等曾至百八十七人此功也百八十七
人史無傳者則正史無傳任惟相見幸陳波信
相表陸道仁本見地正德真見字安興貴見李安修
仁何杜君守鄭仁泰見高宗紀編派彥若李德李見
宗則護沈叔安翟無言見武趙承恩何楚思京見中
楊光一見楊劉許見武薛榮陶見太平李延昌
楊普力見劉之見崔知許輔後律見仙見蕭海何

忠以自固是... 所殺要推李... 世家符彥若... 二年拜隱... 諫也昭宗... 國自稱知... 隨備留後... 今在... 趙收此

唐書十六

廿二史攷異五十六

錢大昕學

忠義傳一

有詔差爲二等增至百八十七人 此功臣百八十七

人史無專傳者劉正臣見劉悟傳任雅相見宰相表陸敦信見宰相表

相表陸德明傳趙仁本見趙憬傳王德真見宰相表安興貴見李軌傳安修

仁同上杜君綽鄭仁恭見高宗紀獨孤彥雲牛進達見太

宗紀周護沈叔安翟無言見武后紀趙承恩同上裴思諒見中宗紀

楊執一見楊執柔傳薛思行見武后紀薛崇簡見太平公主傳李延昌

馮道力崔諤之見崔知溫傳許輔乾薛景仙見肅宗紀尚衡同上

攷異

唐書十六

凡二十五人

荊州都督懷寧郡公杜君綽 唐會要諡曰襄今禮泉

縣有君綽碑

代州都督同安郡公鄭仁恭 高宗紀唐會要皆作仁

泰

潭州都督吳興郡公沈叔安 唐會要贈荊州大都督

諡曰定

忠義傳三

黃碣 為漳州刺史徙婺州治有績劉漢宏遣兵攻之

兵寡不可守棄州去 按僖宗紀中和四年婺州將

王鎮執其刺史黃碣叛附于董昌此傳云棄去則碣未嘗被執也

孝友傳

李知本 開元中孫奭為給事中揚州刺史 唐會要

有贈魯郡都督趙郡公李瑱諡曰孝豈即其人乎

隱逸傳

賀知章越州永興人 按舊史知章為太子洗馬德仁

之族孫德仁名在文苑傳似可合為一篇

陸龜蒙 光化中韋莊表龜蒙及孟郊等十人皆贈右

補闕 按唐摭言載韋莊奏請追贈不及第人近代

者孟郊李賀皇甫松李羣玉陸龜蒙趙光遠李甘溫
庭皓劉得仁陸逵傅錫平曾賈島劉稚珪顧邵孫沈
珮顧蒙羅鄴方干凡十九人

循吏傳漢代循吏
韋丹封咸陽郡公 咸陽當作武陽

韋宙宙在嶺南以從女妻小校劉謙或諫止之宙曰
吾子孫或當依之謙後以功為封州刺史生二子即
隱龔 此事又見劉知謙傳本名知謙而云謙者疑
後人避漢祖諱去之

儒學傳其陳文貴
文宗定五經鑱之石張參等是正訛文 參代宗時人
非文宗時

陸德明 子敦信終大司成 唐會要贈原州都督諡
曰康

谷那律 孫倚相仕為祕書省正字 文苑傳富嘉謨
吳少微谷倚稱北京三傑即此人也

蕭德言 諡曰博 唐會要諡曰密
儒學傳二

路敬淳 唐初姓譜學唯敬淳名家其後柳沖韋述蕭
穎士孔至各有撰次 此語又見柳沖孔至傳

柳沖 李守素亦明姓氏時謂肉譜者 肉譜語又見
守素傳詠喟之詞何必數見乎

應劭有氏族一篇 按應氏風俗通義本有氏族篇廣
韻亦屢引之今本無此篇蓋非完書

儒學傳三

元行沖 少孤養于外祖司農卿韋機 疑卽宏機避

諱省上一字

陸堅 有詔起復遣中官敦諭不就 有詔之上當有
親喪字

鄭欽說 初梁太常任昉大同四年七月於鍾山壙中

得銘 按梁書昉卒於天監七年年四十有九若大

同四年歲在戊午乃在天監戊子後三十年此小說
家無稽之說而史家采之可謂不學矣

陳京 司馬晉以高皇太皇征西四府君爲別廟 按

晉初追尊宣帝以上四親所謂征西豫章潁川京兆
四府君也曷嘗有高皇太皇之稱乎詳其文義則司

馬晉之上當有曹魏二字魏明帝嘗追尊武帝父嵩
爲太皇帝祖騰爲高皇帝也魏以武帝爲太祖而高

皇太皇在別廟晉以宣帝爲太祖而征西四府君在
別廟正同一例

若世祖則春秋所謂陳於太祖者 按春秋無此文舊

禮儀志載此議本云代祖即世祖神主則太祖已下毀

廟之主公羊傳所謂已毀廟之主陳於太祖者是也

詞意甚明白新史所不逮也

故有連王廟之制 王廟當作五廟下文同

文藝傳一

袁朗 典籤蘇幹 按蘇幹傳云父勗武德中為秦王

諮議典籤文學館學士又褚亮傳載秦府十八學士

亦有蘇勗而無蘇幹則幹乃勗字之譌

王勃 卒年二十九 楊盈川撰勃文集序云春秋二

十有八卒於上元三年八月

文藝傳二

李白 年六十餘 按曾鞏撰次白詩集序云白卒年

六十有四

蕭穎士 殷寅者陳郡人 寅即踐猷之子已見儒學

傳

文藝傳三

李賀 卒年二十七 此據杜牧所撰詩集序也李商

隱為賀小傳則云生二十四年

吳武陵 信州人 按李紳傳始澧人吳汝納者韶州

後集

唐書十六

五

刺史武陵兄子也汝納既爲武陵兄子而一稱信州人一稱澧人疑有一誤

李商隱 或言英國公世勣之裔孫 馮養吾曰義山詩云我系本王孫又云我家在山西山西卽隴西也蓋亦涼武昭王之後非世勣裔也

方技傳

張憬藏

裴光庭

當作庭當國憬藏以紙大署台字投之

光庭曰吾旣台司矣尚何事後三日貶台州刺史按光庭以開元十七年六月入相二十一年三月薨初無貶斥之事後讀劉賓客嘉話錄云中書令河東

公開元中居相位有張憬藏者能言休咎一日忽詣公以一幅紙大書台字授公公曰余見居台司此意何也後數日貶台州長史李綽尚書故實亦具載斯事兩書所稱河東公者張嘉貞也新史乃以裴光庭當之謬之甚矣攷嘉貞由中書令罷爲幽州刺史其後雖貶台州去作相之日久矣小說家附會之說不盡足信

帥夜光 因九仙公主得召見 公主傳未見有封九仙者

列女傳

攷異

唐書十六

六

高愍女 父彥昭贈陝州都督 唐會要贈工部尚書

諡曰愍

外戚傳

武士讓之孫攸寧爲建昌王攸歸九江王攸望會稽王
士逸孫懿宗河內王嗣宗臨川王仁範河間王仁範
子載德潁川王士稜孫攸暨千乘王惟良子攸宜建
安王攸緒安平王從子攸止恒安王重規高平王
今按宰相世系表攸暨與攸寧皆懷道之子與攸歸
攸止攸望同爲士讓之孫而傳獨以攸暨爲士稜孫
其可疑一也表以仁範爲士逸子重規與載德均爲

仁範之子傳則以仁範爲士逸孫以重規爲惟良從
子其可疑二也據表惟良與懷運皆士讓之子則攸
宜攸緒等亦士讓孫矣傳不應別而言之若以惟良
名已見傳故別敘惟良之子則懷運名亦見傳而攸
歸等何以不云懷運之子其可疑三也據表攸歸攸
止攸望皆懷運子傳或稱士讓孫或稱惟良從子似
非同父昆弟其可疑四也文苑英華載宋之問爲武
攸暨請降王位表稱臣亡兄攸寧屬纊之夕再受懇
言憂臣愚蒙令臣退讓乃知攸寧攸暨實親昆弟攸
寧又爲攸暨之兄傳以攸暨爲士稜孫固誤表列攸

暨於攸寧之前亦非也

宦者傳

唐制內侍省官有內侍四內常侍六內謁者監內給事各十謁者十二典引十八寺伯寺人各六又有五局一曰掖廷主宮嬪簿最二曰宮闈扈門闌三曰奚官治宮中疾病死喪四曰內僕主供帳燈燭五曰內府主中藏給納局有令有丞皆宦者爲之內侍省官已見百官志此重出可刪

李輔國 以右武衛大將軍藥子昂代判元帥行軍司馬 唐會要子昂贈揚州大都督諡曰忠

酷吏傳

崔器 三日卒 唐會要諡曰貞

藩鎮魏博傳

田承嗣 加同中書門下平章事封雁門郡寵其軍曰天雄 按舊書承嗣傳無寵其軍曰天雄之文方鎮表亦不載至天祐元年始云賜魏博節度號天雄軍節度狀則昭宗以後乃有天雄軍號謂田承嗣時已有之者非也舊書羅紹威傳稱文德初充天雄軍節度副使文德紀元在天祐之前恐亦追稱之

田悅 建中二年鎮州李惟岳淄青李納求襲節度不

許悅為請不答遂合謀同叛 按李惟岳傳寶臣死
軍中推為留後求襲父位帝不許田悅為請不聽遂
與悅李正己謀拒命又李正己傳建中初聞城汴州
乃約田悅梁崇義李惟岳偕叛是李正己未死之前
已與悅偕叛非因子納求襲鎮不許而始叛也攷德
宗紀田悅反在建中二年正月李正己卒其子納自
稱留後在是年八月以是推之悅未叛以前但為惟
岳請襲未嘗為納請明矣

藩鎮盧龍傳

李載義 太和四年為兵馬使楊志誠所逐 按文宗

紀在大和五年正月舊紀傳亦作五年此誤

藩鎮澤潞傳

劉悟 卒贈太尉 唐會要諡襄武

突厥傳

右賢王阿史那泥孰蘇尼失子也始歸國妻以宗女賜
名忠 上文云阿史那忠為左賢王阿史那泥孰為
右賢王則忠與泥孰非一人矣此乃云泥孰賜名忠
何其相矛盾也

吐蕃傳

天寶元年隴右節度使皇甫惟明破虜大嶺軍戰青海

文異

唐書十六

七

破莽布支斬首三萬級明年破洪濟城戰石堡不克
副將諸葛訓死之 按元宗紀天寶元年十二月隴
右節度使皇甫惟明及吐蕃戰于青海敗之二年四
月皇甫惟明克吐蕃洪濟城四載八月皇甫惟明及
吐蕃戰于石堡城副將褚訓死之是石堡之役在破
洪濟之後二年傳合爲一事誤矣紀云褚訓而傳云
諸葛訓未知孰是

回鶻傳

東北俱羅勃爲燭龍州 地理志燭龍州貞觀二十二
年析瀚海都督之掘羅勿部置掘與俱勿與勃音相

近也

沙陀傳

王仙芝陷荆襄朝廷發諸州兵討捕國昌遣劉遷統雲
中突騎逐賊數有功 按國昌以咸通十四年拒命
朝廷遣太原幽州諸軍討之王仙芝陷荆襄在乾符
四年其時國昌父子尚未歸命安得有遣突騎逐賊
之事乎攷舊唐書是年賊陷江陵之鄂楊知溫求援
於襄陽時沙陀軍五百騎在襄陽軍次荆門騎軍擊
賊敗之蓋沙陀軍別有從征襄陽者非國昌所遣也
光啓元年幽州李可舉鎮州王景崇 按景崇以中和

三年卒子鎔繼之光啓改元之際鎮州帥乃王鎔非景崇也

南蠻傳

元和中辰澈蠻酋張伯靖聚衆叛黔中經畧使崔能荆南節度使嚴綬湖南觀察使柳公綽討之三歲不能定按本紀同時討伯靖者尚有劍南東川節度使潘孟陽傳失載

姦臣傳

李義府 貞觀中高士廉韋挺岑文本令狐德棻修氏族志凡升降天下允其議於是州藏副本以爲長式

時許敬宗以不載武后本望義府亦恥先世不見敘夏奏剛正委孔志約楊仁卿史元道呂才等定其書以仕唐官至五品皆昇士流於是兵卒以軍功進者悉入書限更號姓氏錄縉紳共嗤斬之號曰勳格義府奏悉收前志燒絕之 此事已見士廉傳

贈義府揚州大都督 唐會要諡曰成

盧杞 詔拜饒州刺史給事中袁高當行詔書不肯草白宰相曰杞反易天常使萬乘播遷幸赦不誅又委大州失天下望宰相不悅乃召它舍人作制高固執不得下 此事已見高傳雖應兩見不必又述其語

也
崔昭緯以戶部侍郎同中書門下平章事居位凡八年

按宰相表及本紀昭緯以大順二年辛亥正月

拜相至乾寧二年乙卯八月罷為右僕射居位實不

滿五年
叛臣傳
僕固懷恩以僕骨歌濫拔延為右武衛大將軍金微

都督訛為僕固氏生乙李啜乙李啜生懷恩
傳以懷恩為歌濫拔延之子誤

逆臣傳
黃巢 仙芝乃遣蔡温球楚彥威尚君長來降 舊書

僖宗紀作蔡温玉
進寇廣州詔節度使李迢書求表為天平節度 舊書

僖宗紀稱廣南節度使李巖

五月四日詔開
五月四日詔開

宋祁

效異
唐書廿六

也

崔昭緯以戶部侍郎同中書門下平章事居位凡八

年按宰相表及本紀昭緯以大順二年辛亥正月

拜相至乾寧二年乙卯八月罷為右僕射居位實不

滿五年

叛臣傳

侯爵宗孫蘇實南滑與李龜為右武衛大將軍金

豎宗實與請滑與李豎書來表為天平滑與

豎宗實與李豎書來表為天平滑與

黃巢山芝凡豎蔡監莊焚焚風尚昏晝來判

修唐書史臣表

提舉官

刊修官

編修官

慶歷四年 甲申

樞密使賈昌朝
建議修唐書令
館職日供唐書
所未載者二事
附於本傳

五年 乙酉

五月四日詔開
局修唐書

賈昌朝 五月以工
部侍郎平

章事兼樞密使
充提舉官

王堯臣 五月以翰
林學士同

刊修

宋祁 五月以翰林
侍講學士龍

圖閣直學士右
諫議大夫同刊

曾公亮 五月以度
支員外郎

集賢校理天章
閣侍講充以編
敕不入局

趙師民 五月以宗
正丞崇文

校記

唐書十六附

修 院檢討兼天章閣 侍講充未到局	張方平 五月以翰 林學士同 刊修	楊察 五月以知制 誥同刊修	趙槩 五月以知制 誥同刊修尋 請守蘇州不入 局	余靖 五月以知制 誥史館修撰 同刊修尋出知 吉州按趙余 二人長編不載 據春明退朝錄	宋敏求 五月以校 書郎充九 月復館閣校勘 按東都事畧 謂宋祁范鎮在 局一十七年敏 求十年今據長 編敏求與鎮並
何中立 五月以殿 中丞集賢 校理充除開封 幕亦不入局	范鎮 五月以大理寺 丞館閣校勘充	邵必 五月以大理 寺丞國子監 直講充以目疾 辭不到局	堯臣 正月除承旨 兼端明殿學 士充羣牧使	敏求	命中間未除外 任似不止十年 也

六年

丙戌

昌朝

堯臣

正月除承旨
兼端明殿學
士充羣牧使

鎮

敏求

祁

方平

正月以右諫
議大夫權御
史中丞十一月
復為翰林學士

王疇

以太常博士
充按東都
事畧稱疇在局
一十五年知當
於是年入局也

察

正月自右正言
知制誥遷翰林
學士

七年

丁亥

昌朝

三月罷相判
大名府

堯臣

丁母憂未詳
年月

鎮

丁度 六月以工部侍郎參知政事充提舉官

方平

察 四月以右諫議大夫權御史中丞

敏求

疇 加直祕閣 按事畧云慶歷中未詳年月

八年 戊子

度 四月罷政事以觀文殿學士判尚書都省提舉如故

祁 六月復以右諫議大夫史館修撰除翰林學士

鎮

方平 六月出知許州 八月出知滁州

敏求

皇祐元年 己丑

度

祁 六月復為翰林學士史館修撰自同刊修為刊修官遂獨秉筆

鎮

敏求

劉義安 以試大理評事趙州推官充

呂夏卿 以江寧尉充 按二人未詳入局年月

二年 庚寅

度

祁 九月以明堂恩轉給事中兼龍圖閣學士

鎮

疇

敏求

義安 除試秘書省校書郎

夏卿 除試秘書省校書郎充石州軍事推官

右二人除官見

列異

三年 辛卯

度

三月以集賢殿修撰出知亳州

鎮

胡宿外制

四年 壬辰

度

以禮部侍郎改知成德軍

鎮

加直祕閣

敏求

義安

夏卿

疇

敏求

義安

五年 癸巳

度 正月卒

正月改知定州

鎮

除開封府推官未詳年月

劉沆 以工部侍郎參知政事充提舉官

疇

敏求

義安

夏卿

至和元年 甲午

八月以前官同平章事

遷端明殿學士吏部侍郎知益州未詳年月

鎮

以起居舍人直祕閣除知諫院

七月詔刊修唐書官宋祁編修官范鎮等速上所修唐書

歐陽修 八月自翰林學士吏部郎中為刊修官以宰相劉沆

敏求

和中或即代鎮也

列異

唐書十六附

日

列異

二年 乙未

十月歐陽修言唐自武宗以下並無實錄以傳記別說攷證虛實尚慮闕畧聞西京內中省寺留司御史臺及鑾和諸庫有唐朝至五代已來奏牘案簿尚存欲差編修官呂夏卿詣彼檢討從之

沈 六月轉兵部侍郎

祁

修 六月除翰林侍讀學士出知蔡州七月復留為學士八月使契丹

薦也

義叟 轉著作佐郎未詳年月

夏卿 轉祕書丞未詳年月

鎮 八月奉使契丹

疇 遷開封府判官未詳年月

敏求

義叟

夏卿

梅堯臣 以太常博士充未詳年月

年月

嘉祐元年 丙申

沈 十二月罷相出知應天府

祁

王堯臣 以戶部侍郎參知政事充提舉官

修 二月使北還閏三月判太常寺五月知通進銀臺司八月權發遣三司公事

鎮 八月除戶部員外郎兼侍御史知雜事固辭不受十一月復為起居舍人充集賢殿修撰

疇 除三司度支判官未詳年月

敏求

義叟

夏卿

堯臣 除國子監直講

鎮 兼修起居注未詳年月

二年 丁酉

堯臣

祁

鎮 兼修起居注未詳年月

唐書十六附

五

列異

三年

戊戌

修 正月知禮部貢
舉轉右諫議大
夫

疇 八月以度支判
官祠部郎中直
祕閣使契丹

敏求 以太常丞集
賢核理充同
知太常禮儀院
事以歐陽修薦
也

夏卿

義叟

堯臣

鎮 三月以起居舍
人除知制誥

曾公亮 十月以禮
部侍郎參

堯臣 八月卒

修 六月加龍圖閣
學士權知開封

疇

知政事充提舉
官

府

敏求

義叟

夏卿

堯臣

鎮 轉禮部郎中未
詳年月

疇 除刑部郎中知
制誥權判吏部
見法帖

敏求

義叟

夏卿

四年

己亥

公亮

祁 三月以端明殿
學士兼翰林侍
讀學士吏部侍
郎集賢殿修撰
除三司使尋加
龍圖閣學士知
鄭州

修 二月解開封府
事轉給事中

列異

唐書十六附

五年 庚子

六月書成七月
戊戌奏上刊修
及編修官皆進
秩或加職仍賜
器幣有差

公亮 以提舉日淺
辭賞典唯賜
銀幣

修 轉工部尚書尋
自鄭州召還除
翰林學士承旨
明年五月卒
轉禮部侍郎

鎮 轉一官

堯臣 十二月進給
祭詩有詔獎
諭轉都官員外
郎

敏求 轉工部員外
郎

義叟 加崇文院檢
討未入謝卒

夏卿 加直祕閣皆
以書成推賞
也

堯臣 四月卒以書
成恩錄其子
一人

大昕按宋景文公登科入禁林皆在歐陽公之前寄
祿官亦高於歐陽而進表列銜歐陽在宋之前者歐
公見掌內制宋公帶職出守內任重於外任故也書
成後范王二人各轉一官吏不言轉何官依宋制敘
遷格范官禮部郎中當轉戶部郎中王官刑部郎中
當轉兵部郎中也皇祐二年明堂恩范王宋三人亦
應轉官而史無明文姑闕之

飄轉官而史無明文故闕之
當轉兵將源中少皇疏二平四堂恩茂王宋三人亦
嚴林茂官飄將源中當轉可將源中王官既將源中
淑發茂王二人各轉一官史不言轉所官於宋歸途
公良掌內歸宋公帶飄出守內升重然似升對出書
源官亦高然飄而數表既發飄則宋之前昔相
大羽茂宋景文公登採入禁林皆升飄則公之前昔

舊唐書一

廿二史攷異五十七

錢大昕學

高祖紀 按舊史本紀前後繁簡不均睿宗以前文簡
而有法明皇肅代以後其文漸繁懿僖昭哀四朝冗
雜滋甚姑以卷帙論之自高祖至肅宗八世百四十
五年爲卷十合計二百廿七葉自代宗至哀帝十三
世百四十五年亦爲卷十而自十七卷以後分爲上
下合計五百六十八葉年代相等而文且倍又半之
且以高祖創業之君在位九年而紀止六千八百十
有四言哀帝政在強臣在位不盈三載而紀乃一萬

三千有二言蓋唐初五朝國史經吳兢韋述諸人之
手筆削謹嚴中葉已後柳芳令狐峘輩雖非史才而
敘事尚爲完備宣懿而後旣無實錄可稽史官采訪
意在求多故卷帙滋繁而事迹之矛盾益甚也

儀鳳中追尊宣皇帝 按高宗紀上元元年八月追尊
宣簡公爲宣皇帝懿王爲光皇帝此紀云儀鳳中者
誤也又開元十年尊宣皇帝爲獻祖光皇帝爲懿祖
亦宜見于本紀而此紀失之

武德元年相國府司馬劉文靜爲納言隋民部尚書蕭
瑀相國府司錄竇威並爲內史令 此納言卽侍中在

內史令卽中書令之上八年加秦王中書令齊王元吉侍
中則中書令居侍中上矣自後中書令常居侍中之
上五代及宋猶循之又按本紀之例宰相除免皆當
書高祖紀書拜而不書罷如劉文靜之除名紀亦失
之也睿宗以前本紀惟書宰相除免明皇以後卿監
方鎮亦書矣興元貞元以後兩制中丞六尚書亦書
矣又如元和以後宰相多兼集賢殿宏文館大學士
紀皆不書而宣宗昭宗哀帝三紀則具書之諸臣除
授散官勳封例不書而宣宗昭宗哀帝紀亦書之諸
臣賜紫賜緋例不書而憲宗穆宗宣宗哀帝紀屢書

之禮部知貢舉例不書而大中咸通間屢書之此紀文之所以益於前也

八年中書令溫彥博沒于賊 按本傳彥博時爲中書舍人非令也

太宗紀

貞觀五年太子少師新昌縣公李綱薨 按高祖紀內史令竇威以宰相而書卒此紀李綱非宰相而書薨中書令岑文本馬周皆見任宰相却書卒蓋唐初侍中中書令正三品東宮三少則從二品也宰相職雖顯貴猶以官未至二品不與書薨之例高宗紀侍中

高季輔辛茂將姜恪張文瓘中書令閻立本檢校左相竇德元武后紀內史狄仁傑皆書卒猶此例也明皇紀黃門監盧懷慎左相牛仙客書卒而侍中裴光庭獨書薨太子太保陸象先官從一品且前宰相也而書卒太子少師韓休亦前宰相也而書卒而太子太師徐國公蕭嵩以前宰相獨書薨代宗紀門下侍郎平章事衛國公杜鴻漸中書侍郎平章事楊綰皆書卒而太子太師邠國公韋見素以前宰相書薨德宗紀中書侍郎平章事崔祐甫門下侍郎平章事崔損皆書卒而門下侍郎平章事趙憬獨書薨檢校司

徒兼太子太師沂國公李勉以前宰相亦書薨尚書
右僕射姚南仲亦書薨則書薨書卒殊無一定之例
矣使相惟李光弼郭子儀李晟馬燧以元勳書薨此
外方鎮帶宰相銜者皆書卒而德宗紀成德軍節度
使檢校太尉中書令王武俊憲宗紀劍南西川節度
使檢校太尉中書令韋臯二人獨書薨此亦義例之
未當也穆宗以後宰相三公三師使相皆書卒無有
書薨者又與前數朝之例互異歐史本紀惟宰相終
于位者書薨而餘官皆不書較之前史簡而當矣

高宗紀

貞觀二十三年英國公勣爲尚書左僕射同中書門下
三品僕射始帶同中書門下 按唐初以三省長官
爲宰相尚書令與左右僕射皆二品侍中中書令皆
三品論班序當由侍中轉中書令乃遷僕射今勣以
僕射同中書門下三品是以上兼下也然自後僕射
不帶同中書門下者遂不復與聞政事則宰相惟兩
省長官任之而南省不得與尚書省謂僕射雖居人
臣之極地不過備員而已開元中嘗改左右僕射爲
左右丞相然雖有相之名却無相之實也

永徽二年中書令兼檢校吏部尚書菑縣公高季輔爲

侍郎 侍郎蓋侍中之譌

三年同州刺史河南郡公褚遂良爲吏部尚書門下三品 尚書下脫同中書三字

顯慶三年兼中書令皇太子賓客兼檢校御史大夫河間郡公李義府 上兼字去聲此欠一階之兼也下兼字平聲此兩職事之兼也

四年惟郭待封張九齡五人居上第 此別一張九齡中宗紀

神龍元年上親附太祖景皇帝獻祖光皇帝世祖元皇帝 按獻祖爲太祖之大父不應在太祖下且獻懿二祖廟號始上于開元十年不應中宗世已稱之又光皇帝廟號懿祖非獻祖也禮儀志稱崇禎光皇帝太祖景皇帝代祖元皇帝斯爲得之

睿宗紀

臨淄王諱 按太宗高宗中宗篇中直書高中睿三宗之名高祖篇中但書太宗而不名此紀於明皇名稱諱於例初未盡一蓋五朝之史成於明皇之世故特稱諱後來又承其舊文而不能是正爾

明皇紀

第三子平王基 明皇本名隆基而制詞但稱基一字

開元八年皇太子敏薨追封懷王 太字衍

天寶元年改侍中為左相中書左右丞相依舊為僕射

中書下蓋有脫文當云中書令為右相尚書左右

丞相依舊為僕射

十三載廢濟陽郡以所領五縣隸東平郡 按新史地

理志是年郡廢以長清隸濟州 當作濟南 以盧平陰東阿

陽穀屬東平是改隸東平止四縣矣舊志云廢濟州

盧長清平陰東阿陽穀等五縣並入鄆州

我開元之有天下也 此史成于石晉史臣之手而論

稱我字尹思貞等傳贊尚書亞台京尹方伯我朝重

官云誰稱職李勉等傳贊我宗之英曰臯與勉李抱

玉傳贊抱玉抱真我朝良將崔慎由等傳贊漢代荀

陳我朝崔杜文苑傳序爰及我朝挺生賢俊北狄傳

我太宗文皇帝安祿山傳論我唐之受命也此皆沿

舊史臣之詞而未及改正者當如順宗紀書史臣韓

愈名憲宗紀書史臣蔣係名則於文義無嫌矣又如

錢九隴樊興傳竝云父配沒為皇家隸人此亦非異

代史臣之詞

肅宗紀

開元十五年正月封忠王改名浚 元宗紀在十三年

改星

舊唐書一

六

三月

天寶十四載十二月丁未陷東京 丁未當作丁酉

至德元載詔以子儀爲兵部尚書依前靈州大都督府
長史光弼爲戶部尚書兼太原尹北京留守同中書
門下平章事 按郭李二人同時除使相當增竝字
於同中書之上

二載十一月壬申朔十二月丙午十二月戊午朔 按
一歲不應有兩十二月以上文十月乙巳朔及次年
正月甲戌朔前後推校則十一月當乙亥朔十二月
當甲辰朔史所紀壬申者十月之廿八日非十一月

朔也丙午則十二月三日戊午則十二月十五日史
文之謬誤如此

三載正月甲戌朔戊寅 按肅代以後諸帝紀多有無
事而書朔者蓋本實錄之文史臣刊削未盡也

乾元二年右羽林將軍李抱真爲鄭州刺史 此時抱
真未爲刺史蓋李抱玉也

上元二年上不康 本當云不豫避代宗諱改豫爲康
也禮儀志上元年聖躬不康文宗紀聖體不康上不
康

是以宣皇帝 按元宗諡七字其末三字曰大明孝肅

宗諡九字其末三字曰大宣孝大孝之諡諸帝所同
故稱元宗爲明皇肅宗爲宣皇也

代宗紀

大歷五年以京西兵馬使李忠臣爲鳳翔尹代皇甫溫
按忠臣無徙鎮鳳翔之事當是李抱玉之譌然爾
時抱玉官位已高不當云京西兵馬使也

貶禮部尚書裴士淹爲處州刺史 按德宗卽位改括
州爲處州避御嫌名此在代宗朝當云括州史臣追
改之而於十二年又有括州字所謂史駁文也

七年以張之清豐店置清豐縣 按新史地理志清豐

縣大歷七年析頓邱昌樂置以孝子張清豐名其時
無張縣也紀誤

十一年十二月以涇原節度副使試太常卿張掖郡王
段秀實權知河東節度留後北都留守薛兼訓病故
也 按段秀實傳無權知河東留後事紀所書誤也
卽以本紀證之十二年正月書以四鎮北庭涇原節
度副使知節度使事張掖郡王段秀實爲涇州刺史
兼御史大夫充本州團練使不云新除河東節度留
後也其三月書以太原少尹河東節度行軍司馬權
知河東留後鮑防爲太原尹御史大夫充北都留守

河東節度使則此紀云權知河東留後者乃鮑防非
秀實矣蓋秀實由節度副使除知節度事鮑防以河
東行軍司馬權知留後皆十一年十二月事馬璘薨
而以秀實代之薛兼訓病而以防代之兩事本不相
涉中有脫文後人誤連屬之

十四年上崩于紫宸之內殿 諸帝之崩皆書年壽如
干獨代宗紀失之

德宗紀

貞元三年八月以給事中王緯爲潤州刺史江西觀察
使 江西當作浙西

十三年三月以福建都團練使李若初爲明州刺史浙
東觀察使 浙江東道本治越州據此文似當時曾
移治明州而新史方鎮表未及之

順宗紀

建中元年正月丁卯立爲皇太子 按德宗紀大歷十
四年十二月乙卯制宣王某可立爲皇太子此紀云
正月丁卯者彼據宣制之日此據受冊之日也丁卯
下當有朔字

貞元二十一年以吏部郎中韋執誼爲尚書右丞相同
中書門下平章事 此時無左右丞相之官相字衍

李師古劉濟兼檢校司空張茂昭司徒 新史三公表
無茂昭名蓋檢校司徒也

穆宗紀

元和十五年恒王房子孫改為泚王房 恒王當是恒

山愍王也泚王即愍王之譌

唐人避諱民弱字多改从氏

敬宗紀

寶歷二年其漢陽汶川兩縣隸鄂州 汶川當作汶川

文宗紀

大和四年敕前行郎中知制誥者約滿一周年即與正
授從諫議大夫知者亦宜準此 前行謂吏兵二曹

也唐中葉以後常以它官知制誥行中書舍人之職
與學士對掌內外制當時亦呼為舍人朕必官至前
行郎中以上乃得正授舍人若學士除中書舍人者
仍典內制不兼外制也

開成二年吏部奏長定選格請加置南曹郎中一人別
置印一面以新置南曹之印為文從之 新史百官
志失載此事攷裴諝傳代宗居陝諝步懷考功及南
曹二印赴行在則南曹之有印久矣

武宗紀

會昌元年制以魏博兵馬留後何重霸檢校工部尚書

魏州大都督府長史充天雄軍節度使 此時魏博軍未有天雄之額蓋史臣追稱之觀會昌三年討澤潞制詞稱成德軍魏博軍不云天雄軍可證

宣宗紀

會昌六年四月制皇長男溫可封鄆王二男涇可封雅王第三男滋可封蘄王第四男沂可封慶王 按靖懷太子漢傳云會昌六年封雍王大中六年薨傳不言漢為第幾子而紀又不書雍王之封及薨事此可疑也又據此紀長男溫次男涇三男滋四男沂以卽位之年封五男澤六男潤以大中元年二月封七男

洽八男泖九男汶以五年正月封其次第當不紊而於十一年六月乃書第三男灌封衛王第十一男灑封廣王疑衛王灌非第三子當是第十男之譌也而宣宗諸子傳却又以衛王灌列于夔王滋之前此又可疑也且列傳及新史宗室表俱云宣宗十一子自鄆王溫至廣王灑正合十一人之數何緣更有靖懷太子漢一人此尤可疑也新紀鄆王溫雍王漢雅王涇夔王滋慶王沂以會昌六年五月封漢王澤以大中二年三月封鄆王潤以五年六月封懷王洽昭王泖康王汶以八年九月封衛王灌以十年九月封廣

王濛以十一年八月封與舊紀年月多不合惟增雍
王漢一人又於大中六年書漢之薨頗與舊傳相應
然新舊傳及新宗室表皆云宣宗十一子若并漢數
之乃是十二子此亦可疑也新紀作漢而表傳並作
漢漢與漢字形相涉必有一誤矣新傳失載衛王灌
一人表列灌於雅王涇之後灌之上既有漢涇兩人
而懿宗又爲長子則灌行在第四與舊紀所云第三
男者亦終不合且灌果年長于滋沂澤潤諸人何以
受封轉在十年之後此皆可疑也兩史表傳皆作夔
王滋獨此紀作斬王疑聲之譌

懿宗紀

咸通四年四月敕徐州罷防禦使爲文都隸兗州
文
都蓋支郡之譌徐州本節度使治所領泗濠諸州至
是以銀刀等軍驕悍伏誅降使額爲防禦又罷防禦
使改隸兗海節度爲屬州也

五年二月以兵部尚書牛叢檢校兵部尚書兼成都尹
劍南西川節度副大使知節度事徐州處置觀察防
禦使 按叢爲西川節度使西川與徐州絕遠必無
兼領徐州之事徐州上當有脫文蓋別有一人除徐
州觀察使轉寫失之爾

十三年制追諡宣宗爲元聖至明成武獻文睿智章仁
神聰懿道大孝皇帝 按諸帝之諡皆具載本紀紀
首又冠以最後增加之諡獨宣宗紀祇載初上之諡
紀首亦但書聖文獻武孝皇帝於史例未合但高祖
太宗受命之君諡止七字肅順憲三宗亦止九字宣
宗德薄於前朝而驟加至十八字九廟有靈何以自
安史臣畧而不書非無見也
臣嘗接咸通耆老言恭惠皇帝故事 按舊唐書於石
晉開運二年奏上距咸通末年已七十三歲矣且以
晉臣而述唐史當於恭惠上加唐字

僖宗紀

乾符二年十月以前大同軍及雲朔都防禦營田供軍
等使李璠檢校左散騎常侍澧州刺史充天德軍澧
州西城中城都防禦使 澧當爲豐字之譌方鎮表
貞元十二年以振武之東中二受降城隸天德軍此
云西城恐是東城之譌也
光啓三年延昌請權以少府監大廳爲太廟 按禮儀
志及殷盈孫傳則此議出於太常博士殷盈孫非鄭
延昌所請也

文德元年二月魏博軍亂逐其帥樂彥禎彥禎子相州

刺史從訓率衆攻魏州牙軍立其小校羅宗弁爲留
後 按樂彥禎傳云軍府疑貳彥禎危憤而卒衆推
都將趙文珩知留後事從訓自相州領兵至城下文
珩按兵不出衆復害文珩推羅宏信爲帥羅宏信傳
云彥禎子忌牙軍出居於外軍衆廢彥禎推趙文珩
權主軍州事衆復以爲不便因推宏信爲帥據此二
文則魏軍先立趙文珩後立羅宏信無所謂羅宗弁
者僖昭二紀俱稱羅宗弁誤矣

昭宗紀

景福二年乃築第於恒州迎匡威處之

按穆宗以後

恒州改名鎮州此卷前後俱稱鎮州獨是年再見恒
州字

以武威軍防禦使錢鏐 武威當作武勝

乾寧四年九月制以鎮海軍節度使錢鏐爲鎮海軍節
度浙江東西道觀察處置等使杭州越州刺史上柱
國吳王 是時錢鏐自鎮海軍節度兼領鎮海鎮東
兩鎮鎮海軍治杭州領浙江西道鎮東軍治越州領
浙江東道紀於下鎮海之下不書鎮東者脫文也鏐
以是年八月四日賜鐵券其結銜已稱鎮海鎮東等
軍節度浙江東西等道觀察處置營田招討等使兼

七

兩浙鹽鐵制置發運等使開府儀同三司檢校太尉
兼中書令使持節潤越等州諸軍事潤越等州刺史
上柱國彭城郡王食邑五千戶食實封壹伯戶則鏐
除兩鎮節度蓋在八月以前此九月朔所命乃由彭
城郡王進封吳王也

哀帝紀

中興之初方備禮改卜 後唐本出沙陀自國昌賜姓
李氏附鄭王房及莊宗滅梁自謂中興唐祚故有中
興之稱盧簡求傳中興嗣業子文紀仕至尚書中書
侍郎平章事豆盧瑑傳瓚子革中興位亦至宰輔趙

隱傳中興用為宰輔王鎔傳及唐室中興去偽尚書
令之號崔萇傳子居儉中興終戶部尚書

今之懸畫龔尊于臥室中興錄可借尚書
劉勰中興川爲宰輔王繪與父惠室中興志爲尚書

舊唐書二

廿二史攷異五十八

錢大昕學

禮儀志二

頴客釋例亦云 客當作容

司禮博士壁間仁誥 壁當作辟誥當作譖

詔將作大匠康訥素往東都毀之 新史牛仙客傳高

弟士言仙客本胥史非宰相器帝忿朕曰朕且用康

訥蓋卽此人此云訥素而彼單名訥疑彼傳誤

禮儀志四

詔史記古今人表元元皇帝昇入上聖 漢書有古今

文是

舊唐書二

人表此詔云史記者詞臣之不學也老子本在第四等今升入第一等

禮儀志五

修奉使宰相鄭延昌具議 按延昌以昭宗景福元年三月拜相而修奉太廟之役乃在僖宗光啓三年其時延昌未爲宰相也僖宗紀殷盈孫傳及此志皆稱宰相蓋史家追稱之

遂以三太后祔祫太廟達禮者譏其大謬至今未正

按舊史成于石晉之世唐之太廟久廢矣至今未正之語蓋後唐史臣之詞也又按舊志十二門惟禮儀

志頗及僖昭兩朝音樂志亦載昭宗朝一事五行志有大順二年一條其餘所載俱止於宣宗朝咸通以後則畧而不書

音樂志一

皇帝受朝奏政和 此祖孝孫所定十二和之名也新志則云正和皇后受冊以行與此異攷開元禮朝賀儀無奏政和之文惟皇后受冊儀云典樂舉麾奏正和之樂則此志誤也冊府元龜載後漢張昭改十二和爲十二成議云皇帝受朝皇后入宮奏正和請改爲展成然則皇帝受朝下當有皇后入宮四字此志

脫去又譌正爲政耳

穆宗廟樂請奏和寧之舞敬宗廟樂請奏大鈞之舞文宗廟樂請奏文成之舞武宗廟樂請奏大定之舞

按憲宗以前廟樂俱載奏請之年此穆宗四廟樂獨闕之宣宗以後并樂舞名史家亦失之矣

音樂志二

齊隆昌時女巫之子曰楊旻旻隨母入內及長爲后所寵南史作楊珉之

童謡云楊婆兒共戲來而歌語訛遂成楊伴兒按南史何澗爲文惠太子作楊畔歌辭甚側麗袁廓之諫

曰夫楊畔者旣非典雅而聲甚哀思殿下當降意蕭韶奈何聽亡國之響楊畔卽楊伴也文惠太子時已有此歌則其來久矣謂始于隆昌時者後人附會之詞也

謂之坎侯聲譌爲箜篌坎空聲相近故坎亦訓空後人又加竹於空侯字

音樂志三

懿宗孝敬皇帝室懿當作義

明慶中皇后親蠶明慶卽顯慶也唐人避中宗諱易顯爲明舊史俱改從本號惟此志及職官刑法志三

見明慶字柳夷傳亦有明慶三年之文

五行志

今朝廷怪異雖則多矣然皆仰知陛下天光 此語不可解當有舛謬據新史宋務光傳云今朝廷賢佐雖多然莫能仰陛下清光蓋用鼃錯之語也

地理志一

又於邊境置節度經畧使凡節度使十經畧守捉使三此所述者開元之制而職官志云天寶中緣邊禦戎之地置八節度使似乎互 攷安西北庭二鎮天寶中嘗合為一而嶺南則至德已前初無節度之名

或云十節度或云八節度志家各據所見言之耳杜

氏通典州郡篇稱節度使十職官篇稱開元中凡八

節度其二云磧西者即安西而不別出北庭之名舊史

蓋本於此

唐六典凡天下節度使有八一朔方二河東三幽州四河西五隴右六劍南七磧西八嶺南蓋併平盧幽州為一磧西北庭為一也

要衝大郡皆有節度之類寇盜稍息則易以觀察之號

按乾元已後節度使皆兼管內觀察處置使或不

置節度則觀察使亦帶團練防禦之職觀察治民事

節度防禦團練皆治軍事惟權任有輕重耳非易節

度為觀察也

攷異

舊唐書二

四

東都畿汝防禦觀察使 自東都畿至安南凡四十四

鎮蓋據大和中方鎮言之元和二年李吉甫撰國計

簿云總計天下方鎮凡四十八開成元年王彥威進

所撰供軍圖畧云至德乾元之後迄于貞元元和之

際天下有觀察者十節度二十有九防禦者四經畧

者三據此志凡三十二節度七觀察 東都畿帶防禦

畧 三防禦二經畧也 嶺南西道帶經

乾符之後天下亂離禮樂征伐不自朝廷禹迹九州瓜

分鬻割或併或析不可備書 據此文則僖昭以後

州縣更改例不當書於志矣而天祐初改陝州爲興

德府乾符元年更魯城縣曰乾符景福元年復於弓

高置景州天祐五年移州治於東光縣景福二年於

無極縣置祁州龍紀元年以樓煩監牧地置憲州仍

復書之此義例之未畫一也

隋京兆郡領大興長安新豐南鄭華陰藍田鄠盩厔始

平武功上宜醴泉涇陽雲陽三原宜君同官華原富

平萬年高陵二十二縣 按隋京兆郡無南鄭縣南

上當有渭字渭南一縣鄭又一縣合之方盈二十二

之數又華州篇云義寧元年割京兆之鄭縣華陰置

華山郡 即華州 此亦失書

攷異

舊唐書二

改雍州爲鳳翔縣 州字衍

其年改爲新秦郡 秦當作秦下文新秦同

領洛鄭熊穀嵩管伊汝管九州 此兩管字必有一誤

絳州之恒縣來屬 恒當作垣下同

領浚儀新里開封封邱等五縣 此脫一縣

管豫道真興息舒五州 真字疑衍

七年改爲都督府廢興道舒息四州 以下文攷之道

舒息三州皆廢於貞觀元年非武德七年也

濟州領盧平陰長清東阿陽穀范八縣 八當作六

天寶元年改爲河陽郡乾元元年復爲濟州十三載六

月一日廢濟州盧長清平陰東阿陽穀等五縣並入

鄆州 河陽當爲濟陽字之譌也乾元紀元止于三

年此云十三載者蓋天寶之十三載也且天寶中已

罷濟陽郡矣何緣乾元初復爲濟州乎此差謬之顯

然者

武德四年置海州總管府領漣環東楚四州 四州者

併海州言之漣上當有海字攷楚州篇云武德四年

於山陽縣置東楚州盱眙縣置西楚州又置總管於

西楚州管東楚西楚此又以東楚爲海州總管府所

領似自相矛盾矣

領胸山龍沮新興山陽沭陽原邱懷仁利城祝其九縣
原邱當爲厚邱之譌

六年改新樂爲祝其 按新樂祝其皆在海州所領九
縣之數今改新樂爲祝其則祝其必先廢矣而志邦
失書

廢環州及龍沮祝其曲陽廩邱利城六縣 廩邱亦厚
邱之譌六當作五

沭陽漢廩邱縣 廩當作厚

泗水漢下縣 下當作卞

於下縣古城置泗水縣 下當作卞

符離漢縣隋治朝解城貞觀元年移治行邑城 行邑
當作竹邑

新秦漢東新秦縣晉去東字 按漢志無東新秦縣魏

收志新秦魏置晉屬泰山則此縣曹魏所置也

臨濟漢之管縣 管當作管

領益都臨胸臨淄殷陽 殷陽疑是般陽之譌下同

益都漢縣在今壽光縣南十里故益都城是也北齊移

入青州城北門外爲治所 按漢志無益都縣蓋曹

魏所置今移治青州城卽東陽城也

厭次漢當平縣 當平蓋當平之譌

地理志二

襄陵後魏擒盛縣 本擒昌縣此改昌為盛蓋史臣避

後唐廟諱

平遙漢平陶縣後魏廟諱改陶為遙 按魏世祖諱燾

與陶同音故改平陶為平遙虞陶為虞遙魏收志不

言改名之由當依此志補之

太谷武德三年置太原州 原字衍

六年州廢以太谷邠屬并州 邠當作却

五臺漢慮虎 虎當作虎

貞觀十五年楊鉢為監牧使 貞觀新志作貞元此誤

臨清漢清泉縣後魏改為臨清 清泉本清洲唐人避

諱改攷魏收志清洲臨清二縣竝屬陽平郡則非改

清洲為臨清矣或太和之世分清洲置臨清後來省

清洲入臨清耳

隋於漢南蠻故城 蠻當作綠

樂城漢開縣 開當作關下同

置陸澤縣於古鄆城鄆漢縣 鄆當作鄆

饒安漢平童縣 平童蓋千童之譌

定州漢縣屬平原郡 漢無定州縣州治安喜亦非平

原郡地蓋轉寫之譌

領易涑水永樂遂城道五縣五年割道縣置北義州州

廢以道來屬 道蓋迺字之譌

容城漢縣屬涿郡改為道縣 道當作迺下同

涑水漢道縣 道當作迺

東城漢東州縣 東當作東

神龍元年改屬唐興縣 屬當作爲

檀州後漢奚縣 當云漢僦奚縣文誤耳

漢葭萌縣地屬爲漢壽縣 屬當爲蜀

管鄧浙酈苑溝新宏等七州 浙當作漸苑當作宛溝

未詳

廢苑州以南陽來屬 苑當作宛

漢南陽郡以苑爲理所 苑當作宛

漢南陽郡所治苑縣也 苑當作宛下同

新野漢縣屬南陽郡晉於縣置義州 按晉無義州必

轉寫之譌

內鄉漢浙縣地 浙當作浙下同兩漢志本作析

領北陽慈邱平氏顯岡四縣 北陽當作比陽

北陽漢縣屬南陽郡 北陽當作比陽下同

北水出縣東 北水亦比水之譌

方城前漢堵陽縣屬南陽郡後漢改為順陽 按順陽

攷異

舊唐書二

前漢爲博山侯國與堵陽非一地水經注始誤以順陽爲堵陽而唐人因之

棗陽漢春陵縣屬南郡 當云屬南陽郡脫陽字

武德四年置郢州於長壽縣置京山藍水二縣屬焉

按京山縣下云武德四年置温州領京山富水二縣豈有一京山而隸兩州之理其必有誤審矣今以荆州篇前後參校知武德初温州治京山郢州所領之京山當爲章山之譌且武德四年初置章山縣本隸基州七年廢基州乃以章山屬郢州此云武德四年置郢州卽置章山來屬亦非也

又廢郢州以長壽屬郟州京山屬荊州 郟當作都京
當作章

宜城漢郟縣 郟當作郟

貞觀元年廢郢州以京山來屬 京當作章

又省京山入長林 京當作章

自下牢鎮移治陸抗故壘 新志作步闡壘

地理志三

揚州置大都督督越揚和滁楚舒廬壽七州 越字衍

越州治會稽與江都遠不相及非揚州所能督也

江陵貞觀十八年分江都置 江陵當作江陽

晉置秦州北齊為秦州 秦當作秦

楚州隋江都郡之南陽縣 南陽當作山陽

慎漢後道縣屬九江郡 後道當作浚道

管黃蘄亭南四州 南下脫司字

於孝昌縣置環州 環當作環

管環應二州 環當作環下同

置環州領孝昌環陽二縣 環當作環下同

宿松武德四年置嚴州 按是年又於桐廬縣置嚴州

同時有兩嚴州也

信安 按咸通中更信安縣曰西安志失書

盈川如意元年分龍邱置 按元和七年省盈川入信

安志失書

如意元年分桐廬縣之四鄉置盛武縣 盛武新志作

武盛

黟漢縣屬丹陽郡晉同醫縣 按晉無同醫縣當是音

字之譌謂黟音近醫耳縣字衍

閩漢治縣 治當作治下文治縣東治縣皆治字

建安漢治縣地 治當作治

涇武德三年置猷州 新志武德三年置南徐州尋更

名猷州此失書置南徐州一節

廣德漢故漳縣 漳當作鄆

以犯肅宗諱改為鍾陵 肅宗當為代宗

太和武德五年置南州 南下脫平字

安福 按武德五年於縣置潁州七年州廢志失書

至德至德二年九月中丞宋若思奏置 按池州有至

德縣至德二年析置而江州又有至德縣蓋一縣而

重出也攷新志至德縣本析鄱陽秋浦置鄱陽隸江

州則至德亦當隸江州矣乾元元年改隸饒州永泰

元年置池州始以縣來屬志于池江二州兩見而不

著改隸之由後人遂疑有兩至德矣又按唐時以年

號名縣者雍州之乾封洛州之登封涼州之天寶池

州之至德潤州之上元楚州之寶應道州之大歷滄

州之乾符宋時以年號名縣者光化軍之乾德潁州

之興國邠州之淳化開封府之咸平祥符彭州之崇

寧處州之慶元平江府之嘉定以年號名府者紹興

常寧吳分來陽置新寧縣 來陽當作耒陽

安鄉漢潯陵縣地 潯當作辱下同

江華漢馮溱縣 溱當作乘

召州隋長沙郡之召陽縣 按召州召陽召陵字它史

攷異

舊唐書二

三

皆作邵獨此志無邑旁

先天元年改為盈川 此別一盈川楊炯為盈川令乃

衢州之盈川非此地

巫州 大歷五年改名敘州志失書

業州 大歷五年改名獎州志失書

後漢分獠道立南安郡 獠道當作獠道

龍支漢允吾縣 允當作允

後漢改為龍耆縣 按續漢志未見改允吾為龍耆之

文

貞觀五年置米州及米川縣十年州廢縣屬廓州 按

新志州廢縣隸河州永徽六年屬廓州此志蓋有脫
文也

福祿漢舊縣屬酒泉郡今縣漢樂綰縣地 按漢時本

名祿福其改為福祿當在晉以後而史無明文樂綰

當作樂涇

晉昌漢寘安縣屬燉煌郡寘水名 按兩漢志敦煌郡

有冥安縣應劭云冥水出北入其澤此作寘誤也

地理志四

唐置黨州失起置年月 新志永淳元年開古黨洞置

田州失廢置年月疑是開元中置 新志開元中置貞

文

舊唐書二

元二十一年廢後復置

山州失起置年月天寶元年改為龍池郡 此州不見

於新唐志愛州之崇平縣武德五年置山州領岡山

真潤古安西安建功新志作建初五縣此別一山州貞觀

元年已省入愛州矣

職官志

門下侍郎中書侍郎舊班正四品上大歷二年升 此

二職已見正三品而正四品上階又列之且志所列

官品乃據永泰元年之品如侍中中書令大歷二年

升二品御史大夫會昌二年升三品御史中丞會昌

二年升四品諫議大夫會昌二年升五品皆在永泰

以後故志但書其初品獨此二職乃自紊其例疑後

來校書者竄入也

節度使一人副使一人行軍司馬一人判官二人掌書

記一人參謀無員數隨軍四人皆天寶後置檢討未

見品秩 按節度采訪觀察防禦團練經畧招討諸

使皆無品秩故常帶省臺寺監長官銜以寄官資之

崇卑其僚屬或出朝命或自辟舉亦皆差遣無品秩

如使有遷代則幕僚亦隨而罷非若刺史縣令之有

定員有定品也此外如元帥都統鹽鐵轉運延資庫

諸使無不皆然卽內而翰林學士宏文集賢史館諸
職亦係差遣無品秩故常假以它官有官則有品官
有遷轉而供職如故也不特此也宰相之職所云平
章事者亦無品秩自一二品至三四五品官皆得與
聞國政故有同居政地而品秩懸殊者罷政則復其
本班蓋平章事亦職而非官也志謂節度等檢校未
見品秩似未達于官制

經籍志

甲部九曰圖緯以紀六經讖候十曰經解以紀六經讖
候十一曰詁訓以紀六經讖候 按經解詁訓與圖

緯各自爲類何得蒙上六經讖候之文攷唐六典祕
書郎掌四部之圖籍甲部其類有十乙部其類十三
景部其類十四丁部其類三此志全采其文惟六典
甲部祇有易書詩禮樂春秋孝經論語圖緯小學十
門其五經異義等部并入論語類此志增入經解詁
訓二門當闕其文而校書者妄益之耳

長春秋義記一百卷梁簡文撰 春字衍

晉陽春秋二十二卷鄧粲撰 春字衍

崇安記二卷周祇撰又十卷王韶之撰 崇安本是隆

安晉安帝年號也母斐撰錄在開元中避明皇諱改

隆為崇

帝王代記十卷皇甫謐撰 代本世字避諱改郭頌魏

晉代語何集續帝王代記虞茂代集鄭代翼集皆以

代為世

晉崇寧起居注十卷 崇寧當為崇安即隆安也隆安

紀元在寧康太元之後元興義熙之前此下又有晉

崇安元興大亨副詔八卷可證崇寧為崇安之譌

四人月令一卷崔寔撰 此與賈思勰齊人要術皆避

諱改民為人也

江智泉集十卷 本名智淵避諱改

邱泉之集六卷 本名淵之避諱改

凡七萬餘卷蓋佛老之書計於其間 謂梁元帝江陵

所收書并佛老二家計之得七萬餘卷也

食貨志

水部郎中姜行本請于隴州開五節堰引水通運許之

行本傳不載此事亦不云為水部郎中是其闕漏

王播奏商人于戶部度支鹽鐵三司飛錢謂之便換

三司之名始見於此

刑法志

於是太尉趙國公無忌司空英國公勣尚書左僕射兼

後吳

舊唐書二

太子少師監修國史燕國公志寧 却掃編舊制宰相官僕射以上敕尾不書姓蓋用唐故事也志寧以僕射不書姓無忌勣官三公又在僕射之上故亦不書姓尚書唐紹以下則皆書姓矣然上文左僕射于志寧右僕射張行成下文左僕射劉仁軌右僕射戴至德却又書姓此史臣增入非敕文元本也

舊唐書三

廿二史攷異五十九

后妃傳

錢大昕學

元宗楊貴妃 國忠二男暄妃弟鑑皆尚公主 按楊國忠傳暄尚延和郡主岫尚萬春公主不皆尚公主也新史公主傳不載楊鑑名蓋亦郡主非公主矣 楊氏一門尚二公主二郡主 二公主謂錡尚太華公主岫尚萬春公主也暄尚延和郡主鑑亦尚郡主故有二郡主之稱

號國男裴徽尚代宗女延安公主 按公主傳肅宗女

部國公主始封延光下嫁裴徽此云代宗女者誤也
延安延光未知孰是

肅宗張皇后 去盈尚元宗女常芬公主 新公主傳
作去奢

憲宗懿安皇后郭氏 昭愍暴殞 按本紀史臣論或

稱廟號或稱諡元和以後皆稱諡憲宗曰章武穆宗

曰文惠敬宗曰昭愍文宗曰昭獻武宗曰昭肅宣宗

曰獻文懿宗曰恭惠僖宗曰恭帝 當云恭定 它傳論亦多

稱諡者若紀傳敘事之文則皆稱廟號惟昭愍之諡

則列傳屢見之如郭后傳昭愍暴殞王后傳昭愍崇

重母族郭貴妃傳及昭愍遇盜宮闈變起于休烈傳

昭愍初卽位張又新傳昭愍初卽位熊望傳昭愍嬉

游之隙學爲歌詩事未行而昭愍崩崔郾傳昭愍卽

位韋處厚傳昭愍狂恣屢出畋游杜元穎傳昭愍卽

位龐巖傳昭愍卽位趙宗儒傳昭愍晏駕 刊本誤作昭肅 李

逢吉傳昭愍卽位裴度傳昭愍皇帝聞之嗟惋累日

昭愍愕狀省悟昭愍雖少年昭愍欲行幸洛陽李德

裕傳昭愍皇帝童年纘歷昭愍遇盜是也亦有一篇

之中互見者如郭后韋處厚傳先稱敬宗後稱昭愍

李逢吉傳前後稱敬宗而中稱昭愍李德裕傳前後

列異
稱昭愍而中稱敬宗推原其故或係晉代史臣避諱
稱諡後來校書者依例更改而改之又不盡也至如
蕭俛傳前稱憲宗而後云穆宗乘章武恢復之餘白
居易傳前後稱憲宗而中云章武皇帝李德裕傳前
稱武宗而後云昭肅棄天下此類偶一見之蓋史臣
雜采它書稱謂之間未及整理也

既而宣宗繼統卽后之諸子也恩禮愈異于前朝大中
年崩于興慶宮 懿安暴崩新史以爲宣宗之志此
云恩禮愈異于前朝又極稱其福壽隆貴與新史正
相刺謬新史本於宋敏求實錄實錄又本於裴廷裕

東觀奏記未必可盡信也

殷嶠傳

貞觀十七年又與長孫無忌唐儉長孫順德劉宏基劉
政會柴紹等十七人俱圖其形于凌煙閣 按長孫
無忌傳云圖畫二十四人尉遲敬德傳亦同此云十
七人誤

屈突通傳

力屈而至爲本朝之辱以愧相王 按六朝以後丞相
封公稱相公封王則稱相王是時高祖以唐王領大
丞相故有相王之稱或疑爲代王之譌非也

文星

舊唐書三

三

長孫無忌傳

令圖畫無忌等二十四人於凌煙閣 據詔書自趙國

公無忌至胡國公秦叔寶數之止二十三人新史秦

叔寶傳亦同蓋脫申公高士廉一人 士廉傳貞觀十

七年詔圖形凌

王珪傳

崇基孫旭開元初為左司郎中兼侍御史 按酷吏篇

已有王旭傳而珪傳末又附見旭事一百六十餘言

列傳第五十一卷已有王求禮傳而忠義傳又列之

列傳第一百廿一卷已有張仲方傳而張九齡傳末

又附出二百六十餘言文苑篇已有蕭穎士傳而韋

述傳又附出七十餘言

姚思廉傳

并推究陳事刪益博綜顧野王所修舊史 博綜當是

傳繹之謔

令狐德棻傳

與侍中陳叔達等受詔撰藝文類聚 按新藝文志此

書列歐陽詢名又注云令狐德棻袁朗趙宏智等同

修不及叔達名

魏史既有魏收魏彥二家 魏彥當作魏澹

文選

舊唐書三

四

有詔改撰晉書房元齡奏德棻令預修撰當時同修一十八人新志云房元齡褚遂良許敬宗來濟陸元仕劉子翼令狐德棻李義府薛元超上官儀崔行功李淳風辛邱馭劉引之陽仁卿李延壽張文恭敬播李安期李懷儼趙宏智等修實二十一人

孔穎達傳

十八年圖形于凌煙閣讚曰道光列第風傳闕里精義霞開掞辭颺起按穎達不在凌煙功臣之列且凌煙功臣亦無讚詞此傳所載者當是褚亮所撰十八學士圖讚語誤以爲凌煙閣耳十八學士讚見于舊

史者惟姚思廉與穎達二人

蘇世長傳

令於獸門館讀書獸門卽虎門避唐諱改

太宗諸子傳

中興初進封成王此卷中興字屢見高祖諸子魯王靈夔江王元祥篇亦有中興字文苑傳劉允濟富嘉謨篇亦有中興字皆謂中宗神龍初也豆盧瑑趙隱盧簡求王鎔傳所云中興則指後唐莊宗言之永崇中坐與庶人賢通謀降封零陵王永崇卽永隆史臣避明皇諱追改舊史惟此傳一見

韋挺傳

以人部侍郎崔仁師為副使 唐初民部為六部之一

高宗即位改為戶部避太宗名下一字也此改民部

為人部亦史臣追書段平仲傳云隋人部尚書段達

六代孫

柳澤傳

敢有常舞于宮 澤上疏在睿宗時不當回避恒字此

云常舞于宮常于游畋蓋穆宗以後史臣追改

傅仁均傳

以三元之法一百八十去其積歲武德元年戊寅為上

元之首 按三元甲子之說始于遁甲九宮每歲行

一宮九歲而徧六十歲未復其初必轉三甲子而後

終九宮之局仁均既以武德戊寅為上元則隋仁壽

四年甲子為上元矣今蘇州虎邱寺有五代顯德五

年石幢後題下元甲子歲在戊午依檢仁壽四年甲

子為上元則麟德元年甲子為中元開元十二年甲

子為下元興元元年甲子又為上元會昌四年甲子

為中元天祐元年甲子為下元顯德戊午尚在下元

篇也

李淳風傳

攷異

舊唐書三

六

并演齊人要術 齊人卽齊民避諱改

劉仁軌傳

史臣韋述曰 劉仁軌裴光庭傳末俱引韋述史論而

後別有總論馬燧傳末亦引史臣語而後別有總論

列傳第九十六卷則有論無讚薛播等

裴行儉傳

斬伏念及溫傳于都市行儉歎曰渾濬前事古今恥之

但恐殺降之後無復來者因稱疾不出 此語又見

裴炎傳

張文收傳

制景雲河清樂名曰燕樂奏之管絃爲樂之首今元會

第一奏者是也 此卷蓋沿韋述所撰唐書之文故

唐紹徐有功傳俱稱明皇爲今上此傳云今元會第

一奏亦開元史臣之詞也下卷澤王上金傳亦有今

上字

高宗諸子傳

高宗八子二王早世爲武后所斃者四人 二王早世

謂原王及孝敬皇帝也章懷太子燕澤許三王皆爲

武后所戕攷肅宗諸子傳李泌言孝敬皇帝爲太子

監國而仁明孝悌天后方圖臨朝乃鳩殺孝敬則孝

攷異

舊唐書三

七

敬亦武后所斃而本傳不書未免自相矛盾矣

裴炎傳

留太子哲守京師 此太子謂中宗也於史例不當書

名

韋思謙傳

故孔子曰百姓足君孰與不足百姓不足君孰與足

此有若之言

王方慶傳

時成均博士吳揚善 禮儀志作揚吾方慶駁辟間仁

諳告朔之議已詳禮志而此傳復敘其事幾五百言

敬暉傳

睿宗即位追復五王官爵贈暉秦州都督諡曰肅愍

按元和三年追諡張柬之為文正桓彥範為忠烈敬

暉為正烈崔元暉為文忠袁恕己為正烈舊史五王

傳失書

宋璟傳

時易之兄弟皆為列卿位三品璟本階六品在下座

按璟時為御史中丞官正四品而階止六品故朝位

猶在五品之下易之官麟臺監昌宗官司僕卿皆三

品職事官其階亦必三品矣

校異

舊唐書三

八

以官言之正當爲卿若以親故當爲張五 據璟所言
知唐人詩文稱行第者皆親故之稱

張說傳

其先范陽人代居河東近又徙家河南之洛陽 此沿
碑狀之文以史例言之當云河南洛陽人也

才望兼著理合褒升考中上 說以特詔褒升僅得中
上考李渤爲考功員外郎奏御史大夫李絳左散騎
常侍張惟素右散騎常侍李益三人請賜上下考則
唐時上上考蓋不恒有矣

左司郎中陽伯誠 王峻傳有戶部郎中楊伯誠禮儀

志有戶部郎中楊伯成蓋卽一人而字各異今西安
府學有大智禪師碑陰記河南少尹陽伯成撰當據
碑爲正

魏知古傳

尋改紫微令姚崇深忌憚之 紫微令崇所居之官也
尋改二字衍

盧懷慎傳

時南海郡利兼水陸瓌寶山積劉巨鱗彭杲相替爲太
守五府節度皆坐贓鉅萬而死 按唐會要至德二
年賀蘭進明除嶺南五府經畧兼節度使自此始有

節度之號已前但稱五府經畧自此遂爲定額新方
鎮表亦云至德元載升五府經畧討擊使爲嶺南節
度使是天寶已前初無節度之稱此傳云開元已來
四年廣府節度清白者有四謂宋璟裴伯先李朝隱
及與蓋史家追稱之宋璟傳云轉廣州都督仍爲五
府經畧使李朝隱傳云兼判廣州事充嶺南採訪處
置使俱不云節度也

源乾曜傳

恐代官之咸列代官謂世官也避諱改

張嘉貞傳

令公四俊苗呂員訓苗呂員三人皆舉其姓不應崔
訓獨稱名蓋本是苗呂崔員史家不知員讀去聲乃
改崔爲訓顛倒其文以協韻耳

張九齡傳

諡曰文憲當作文獻

辛替否傳

往者和帝之憐悖逆也悖逆謂安樂公主也睿宗追
貶爲悖逆庶人

吳兢傳

遷相州長垣縣子當云遷相州刺史不云刺史者蒙

校異

舊唐書三

上文也長垣上當有封字

高仙芝傳

累勞至四鎮十將諸衛將軍 唐末藩鎮部下有十將

都虞候據此傳則十將之名唐初已有之 段秀實傳以十將張

羽飛為 招召將

韋堅傳

先是人間戲唱歌詞云得 丁紇 反 體 都董 反 紇那也 紇囊得

休歌 按廣韻休蒲本切集韻部本切未聞有都董

之音且都董雙聲不可以成切必轉寫之謬也休从

本其音必與本相近故轉讀為寶爾

楊國忠傳

父珣以國忠貴贈兵部尚書 兵部當作武部今扶風

縣有珣神道碑明皇御製并書題云贈武部尚書可

證也

王琚傳

四哥仁孝同氣惟有太平 武后生子四人睿宗居第

四故明皇稱為四哥又棣王琰傳云臣與新婦情義

絕者二年于茲臣有二孺人又皆爭長恐此三人所

為也惟三哥辯其罪明皇為睿宗第三子故諸子稱

為三哥然則唐時以哥為君父之稱矣

攷是

舊唐書三

七

韋見素傳

加朝散大夫諸傳多不書散官惟此傳云加朝散大夫加銀青光祿大夫加金紫光祿大夫歸崇敬傳云加銀青光祿大夫加光祿大夫加特進令狐楚傳云自朝議郎授朝議大夫牛僧孺傳云加銀青光祿大夫加金紫階李珣傳自朝議郎進階正議大夫崔鉉傳加正議大夫累遷金紫光祿大夫此亦例之不一也

天寶五年按天寶初改年曰載此傳書天寶五年天寶十三年誤

李光弼傳

遽命郝玉曰爾往擊之玉曰玉步卒也當作郝廷玉

脫廷字此事又見廷玉傳

臨陣擒其大將徐璜玉李秦授周摯據此似摯已被

擒而下文又云生擒安太清周摯楊希文等前後不相應

高適傳

自元宗還京後於綿益二州各置一節度按至德二載置東川節度治梓州綿當為梓字之譌

韋元甫傳

攷異

舊唐書三

七

韋元甫 按列傳失書里居者韋元甫衛伯玉閻巨源
孟元陽郝廷玉高固劉栖楚張宿熊望韋貫之鄭綱
唐衢李翱宇文籍韋辭烏重裔李祐董重質石雄韓
全義王播徐晦趙宗儒宋申錫高鉞王璠李渤牛僧
孺朱朴鄭縻周利貞韋表微許康佐等以新史證之
則諸人籍貫非盡無可攷也

嚴武傳

出為綿州刺史 按房瑄傳武自京兆少尹出為巴州
刺史

舊相房瑄出為管內刺史

瑄時為漢州刺史在成都

節度管內

郭英乂傳

先朝隴右節度使左羽林軍將軍知運之季子也 先
朝二字可省

崔寧傳

大歷十四年入朝遷司空平章事兼山陵使尋代喬琳
為御史大夫平章事 寧以西川節度入朝加平章
事而未落節鎮此使相非真相故新史宰相表不書
其遷司空亦是檢校司空非守司空故表亦不書

楊炎傳

改異

舊唐書三

三

肅宗就加散騎常侍賜號元靖先生名在逸人傳 按
舊史有隱逸傳無逸人傳而隱逸傳亦無楊播名蓋
亦沿舊文而未刊正也

楊綰傳

故事舍人年深者謂之閣老公廨雜料歸閣老者五之
四 按綰以起居舍人知制誥卽行中書舍人事其
後累遷司勳員外郎職方郎中仍知制誥至是正授
舍人故以久次得稱閣老也給事中久次者亦稱閣
老杜甫集稱嚴武爲嚴八閣老又有留別賈嚴二閣
老詩賈至爲中書舍人嚴武爲給事中也

崔祐甫傳

祖暉懷州長史父沔黃門侍郎諡曰孝公 沔在孝友
傳彼傳云爲中書侍郎終太子賓客不云爲黃門侍
郎又不及其諡彼傳云沔父皚庫部員外郎汝州長
史此傳云名暉官懷州長史皆互異攷新書世系表
沔父皓安平公非暉亦非皚也暉官徐州司馬非懷
州長史其官汝州長史者名暄不名皚與二傳又相
抵牾

崔植傳

祐甫弟廬江令嬰甫子 上文云祐甫無子遺命猶子

文是

舊唐書三


百

植爲嗣則祐甫與嬰甫當是親兄弟矣據世系表祐甫乃皓之孫沔之子嬰甫則晳之孫滂之子是祐甫嬰甫爲小功昆弟疑表有誤也

裴胄傳其言河南洛陽人是其例也其先河東聞喜人今代葬河南以史例當云河南人裴諧傳云河南洛陽人是其例也

伯父寬戶部尚書有名于開元天寶間此語又見裴諧傳諧爲寬子當刪此存彼彼云禮部尚書此云戶部亦當從彼傳也且列傳第五十卷已有寬傳若以謂胄二人附見篇末則文省而當矣寬傳不及謂胄

名蓋史局人多彼此失于檢照也



文政十一年

